



Now Available!

POM: 313 9800
LAE: 472 5488

THEODIST LTD
THE STATIONERY SUPERMARKET



pepsi[®] pipol



www.facebook.com /pepsipng



Like

na painim aut moa long ol narapela promosens blong mipla bihain taim.

Pipel makim mi, i no asembli - Juffa

Yakam Kelo i raitim



Gavana bilong Oro, Gary Juffa

GARY Juffa em i Gavana bilong Oro provins bikos ol pipel i makim em long jenerel ileksen na i no Oro provinsel asembli.

Olsem na eksen we 7-pela kaunsel presiden na tupela nesanel lida bilong Oro i mekim long rausim Gavana Juffa i no bihainim lo.

Dispela em toktok i kam

long Deputi Seketeri bilong Konstitusanel Lo Rifom Komisin (CLRC), Asaiah Chilion.

Mista Chilion i tok pasin memba bilong Ijivitari, David Arore, na memba bilong Sohe, Delilah Gore wantaim ol kaunsel presiden i mekim i no bihainim lo long holim miting bilong rausim Gavana long opis na wok bilong em.

Olgeta provinsel asembli miting em gavana tasol i gat pawa long singautim miting we gavana yet i save sindaun olsem siaman bilong Provinsel Eksekutiv Kaunsel (PEC). No gat arapela lida bai singautim miting bilong provinsel asembli, Mista Chilion i tok.

Antap long dispela, lo i luksave long

Gary Juffa olsem Gavana bilong Oro Provins bikos em i bin winim nesanel ileksen long sit bilong rijinol memba we ol pipel i bin makim em long holim

dispela posisen bilong Gavana, Mista Chilion i tok.

Gavana em pipel i makim na pipel yet bai senisim long 5-pela krismas bihain long taim bilong nesanel ileksen. i no olsem praim minista we Palamen i makim na Palamen i ken senisim, em i tok.

Bihain long Nesanel Palamen bin kamapim dispela lo bilong Provinsel na Lokol Level Gavman Rifom moa long 10-pela krismas go pinis, no gat wanpela kain pasin olsem bin kamap. No gat wanpela saspensen o rausim gavana bin kamap long olgeta provins inap nau Oro Provins em i namba wan lain long kamapim dispela pasin bilong rausim gavana long sit bilong em.

Seketeri bilong CLRC, Dokta Eric Kwa, i no laik mekim tok antap long dispela long sait bilong klaim lo we i lukautimi wok bilong Provinsel na Lokol Level Gavman sistem taim *Wantok* i laik toktok wantaim em long aste.

Opis bilong CLRC i tok, wanem samting Deputi Seketeri Mista Chilion i mekim i kamap pinis we i bin kamap long miting namel long ol nius ripota long Tunde.

I go moa long pes 2..

INSAIT:
Buai tambu i stap yet-P3



Nambawan flawa bilas greduesen P23 - **Bisnis**



Today

Novemba isu insait - P9,10,19,20

PIH Saveman
Nias
Sik bilong daiabitis long ai - P7
Wantok i raun long PIH Ai klinik

MORE FLIGHTS TO CHOOSE FROM

<input checked="" type="checkbox"/> RABAU TO PORT MORESBY _{v.v} 2-4 x DAILY FLIGHTS	<input checked="" type="checkbox"/> RABAU TO KAVIENG _{v.v} DAILY FLIGHTS	<input checked="" type="checkbox"/> RABAU TO HOSKINS _{v.v} 4 x WEEKLY FLIGHTS	<input checked="" type="checkbox"/> RABAU TO BUKA _{v.v} 3 x WEEKLY FLIGHTS	<input checked="" type="checkbox"/> LAE TO HOSKINS _{v.v} 3 x WEEKLY DIRECT FLIGHT	<input checked="" type="checkbox"/> LAE TO RABAU _{v.v} 3 x WEEKLY DIRECT FLIGHT	<input checked="" type="checkbox"/> LAE TO MANUS _{v.v} 2 x WEEKLY F100 FLIGHTS	<input checked="" type="checkbox"/> LAE TO BUKA _{v.v} 1 x WEEKLY DIRECT FLIGHT
---	--	---	--	---	---	--	--

Air Niugini
www.airniugini.com.pg
EXCLUSIVE CARRIER FOR THE 2015 PACIFIC GAMES

Call Toll Free on **180 3444** or contact your nearest **Air Niugini Travel Centre or Travel Agent for further details.**
Effective 26th October 2014.




Tupela moa jas i mekim tok promis long wok



Tupela nupela jas i sanap wantaim Gavana Jenerel Sir Michael Ogio, Australia Hai Komisina, Deborah Stokes, Sif Jastis Sir Salamo Injia na Deputi Sif Jastis, Gibbs Salika.

GAVANA Jenerel bilong Papua Niugini, Gren Sif, Sir Michael Ogio i bin witnessim tupela moa nupela jas bilong Nesenel na Suprim Kot i mekim tok promis bilong mekim wok bilong ol long sevim kantri insait long Gavman Haus long aste moning.

Tupela jas em John Alexander Logan RFD, na narapela em Berna Joan Collier. Tupela i kisim wok olsem Jas bilong

Nesenel na Suprim Kot na em bai i stap inap tripela yia, stat long 6 Disemba 2014.

Tupela jas i mekim Dekleresen bilong Loyolti na Judisel Dekleresen long ai bilong Gavana Jenerel. Sif Jastis, Sir Salamo Injia, wantaim Deputi Sif Jastis Gibbs Salika na Australia Hai Komisina long PNG, Deborah Stokes i bin stap long witnessim dispela seremoni.

Pipel i makim mi, i no asembli - Juffa

I kam long pes 1...

Olsem na Seketeri i no inap tok moa antap long dispela.

Gavana bilong Oro provins Gary Juffa i tokaut pinis long nius olsem dispela eksen bilong ol Oro lida i no bihainim lo na em bai kisim dispela i go long Kot long stretim na mekim klia long sait bilong lo.

Ol ripot i tok bikos Gavana Juffa i no bin singautim dispela miting long kamap, ol opis i bin pas tasol ol dispela lida wantaim ol sapota bilong ol i go na brukim dua bilong Oro Provinsel Asembli na go insait long miting ples. Long dispela taim

ol i makim memba bilong Ijivitari David Arore olsem nupela Gavana bilong Oro provins.

Ripot i tok tu olsem kuskus (Klek) bilong asembli i no stap long kontrolim dispela miting na mekim ripot long husat i sponsaim ol dispela bisnis bilong rausim Gavana Juffa, na husat i mekim nominesen long nupela kendidet bilong Gavana.

Em ol opisel bisnis na rekot bilong asembli we kuskus i mas mekim long olgeta asembli kibung.

nius

Sir Moi em i siaman bilong OTML bot

NESENEL Eksekutiv Kaunsil (NEC) i makim Sir Moi Avei, pastaim memba bilong Kairuku-Hiri na Minista bilong Petroleum, olsem nupela siaman bilong Ok Tedi Maining Limited Bot.

Praim Minista, Peter O'Neill i tok Kabinet i tok orait long Sir Moi Avei long kisim dispela wok inap long 3-pela yia na em bai kisim ples bilong Seketeri bilong Treseri, Dairi Vele.

"Mista Vele bai stap yet olsem wanpela dairekta long bot bihain long NEC i rausim em olsem siaman," Praim Minista O'Neill i tok.

Praim Minista i tok Kabinet i tok orait tu long makim tupela nupela dairekta moa long bot, Roger Higgins na Glen Kuri inap long tripela yia.

"Sir Moi i gat planti yia long wok bilong pablik sevis na em i bin stap tupela taim olsem Kabinet Minista bilong Petroleum," em i tok.

"Mista Higgins i gat moa long 40 yia save long wok insait long maining indastri na long dispela taim em i wok insait long PNG long Panguna na em i bin stap olsem dairekta bilong Ok Tedi Main long 1997 i go 2002.

Praim Minista O'Neill i tok

moa olsem, Mista Kuri em i namba wan man long Papua Niugini i gat moa save long mineraloji.

Em i bin wok wantaim BHP moa long 10-pela yia olsem metallurjis long kain kain main na leboretri.

Em i bin wok tu long Ok Tedi inap 12-pela yia olsem Jeneral Yunesa bilong Bisnis Sapot Yunit long mekim wok bilong 4-pela dipatmen olsem asset proteksen, human risos, infrastraksa na produktiviti impruvmen.

Oro holim Vot i no gat bilip long Gavana Juffa

INTA Gavman Rilesens Minista na Deputi Praim Minista, Gren Sif Leo Dion i tokaut aste olsem em i wari long dispela vot i no gat bilip we i kamap long Garry Juffa, Gavana bilong Oro Provins long dispela wik.

Ol memba bilong Oro Provinsel Asembli, husat i bin gat bel hevi long Gavana Juffa i bin kamapim wanpela vot i no gat bilip long Garry Juffa na ol i rausim em olsem Gavana bilong Oro Provins.

"Mi laik tokaut olsem dispela kain pasin ol i mekim em i soim piksa nogut na dispela i kamap birua long pasin bilong yuniti na sekyuriti long nesen.

Long wanem kain taim na hap yumi stap long en, yumi mas putim tingting long nesenel na laik bilong olgeta pipela i go pas, na yumi no ken bihainim laik bilong yumi yet," Gren Sif Dion i tok.

"Mi laik toksave long olgeta lain huast i stap insait long dispela pasin olsem, Opis bilong

Provinsel Gavana long wan wan provins em i stap aninit long lo na Gavana em ol pipel bilong provins i makim insait long jeneral ileksen long makim ol inap long 5-pela yia taim bilong Palamen.

"Wankain olsem ol arapela Gavana na politikel lida insait long kantri, Garry Juffa em ol pipel bilong Oro i makim em long bosim ol, aninit long mama lo bilong na long lo bilong laik bilong wan wan man long bringim sevis i go long ol insait long pul taim bilong gavman.

Olsem na ol pipel yet i mas lukim pasin bilong Garry Juffa na skelim wok bilong em bihain long em i pinisim taim bilong em olsem trupela Gavana," Mista Dion i tok.

Em i tok ol memba bilong Provinsel Asembli husat i putim dispela Vot i no gat bilip long Gavana Juffa i mas gat gutpela as tru wanpela ol stori tru olsem em i no bin mekim wok

bilong em long kisim sevis i go long ol pipel, long ol i mekim dispela pasin.

Mista Dion i tok olsem ol toktok em i harim i soim olsem ol lain husat i mekim dispela pasin, i no bin bihainim lo taim ol i bin holim vot i no gat bilip egens long Garry Juffa, olsem na em i stap yet olsem Gavana bilong Oro Provins.

Mista Dion i tok lukaut long ol presiden bilong LLG long Oro Provins olsem memba bilong Asembli long ol i no ken bagarapim posisen bilong ol long mekim wansait pasin na bagarapim sindaun bilong provins.

"Mi laik singaut long ol politikel lida bilong Oro Provins long lusim tingting long bel hevi bilong ol na wok bung wantaim olsem wanpela tim long mekim wok wantaim ol gutpela baset mani ol i kisim olsem PSIP, DSIP na LLGSIP long developim provins.

*Happy 23rd Birthday
Late Asi Ragela*

Thinking of you on this special day 31/10/14.
Words cannot express how much we miss you each day.
We thank God for the strength to face each day without you.

"The Lord giveth & taketh, blessed be the name of the Lord"

Missed by all your family in Rigo, Pom & Lihir.

Saut Koria nevi kam raun...



Ol Nevi ami bilong Ripablik bilong Saut Koria kam raun long Pot Mosbi long las wik na go luk long Misium na Palamen. Long dispela mun yet planti long ol bikipela Nevi Sip bilong ol narapela kantri bin kam raun long kantri bilong yumi olsem gutpela poro man raun. Japan na Saina bin kam na long las wik em ol Saut Koria kam. *Poto Nicky Bernard.*

Buai tambu i stap yet

Yakam Kelo i raitim

LO bilong tambu long salim buai insait long Mosbi siti bai no inap stop yet inap wok bilong givim laisens long salim buai i kamap na wok gut. Dispela em toktok i kam long opis bilong NCD Gavana Powes Parkop long las wik.

Gavana Parkop i tokaut olsem stopim buai i bihainim lo bilong NCDC long lukautim gut ples i stap kiln na i no ol i mekim long laik. Dispela lo i bilong mekim ples i stap kiln na abrusim ol kainkain sik nabaut olsem TB na ol arapela we i save bagarapim yumi ol manmeri.

Mista Parkop i mekim dispela toktok long wanpela bikpela birua i bin kamap long Hohola we wanpela mama bin ronawe long ol buai sekyuriti na kar i bamim em na em dai.

Mista Parkop i tok ol i kisim ripot bilong polis pinis tasol ol i wetim ol ai witnes ripot bilong ol pablik husat bin stap na lukim dispela birua bin kamap. Sapos ol i lukim olsem sekyuriti o polisman bilong NCDC i asua bai ol lain ya mas kisim mekimsave bilong lo.

Em tok dispela em bikpela sori samting bikos planti liklik manmeri save salim buai long helpim sindaun bilong ol long siti.

Dispela hevi i mekim mipela ol lain bilong mekim lo i tingting nau long yumi stopim buai tambu o nogat.

Sapos yum rausim buai tambu, bai dispela i helpim long klinim siti bilong yumi na tu daunim sik TB we planti manmeri i kism long siti o nogat?.

Gavana i tok nau yet em nupela sistem bilong kisim laisens na salim buai i kamap pinis olsem na yumi larim dispela nupela rot i kamap na wok na pastaim orait ol tingting bilong rausim tambu long buai em yumi ken skelim long bihain.

Long las wik NCDC i kamapim wanpela operesen bilong klinim siti we ol yut long wanwan hap bai raun lukluk long ol haus na banis we i no kiln o bagarap na i no moa gutpela long ol manmeri i stap long en.

Dispela operesen bai ol yut i lukim na raitim nem bilong ol haus we i bruk bruk pinis na banis i no gutpela moa long man i stap, husat i lukautim ol enimol olsem pik na kakaruk nabaut long banis o husat i abrusim mak bilong graun na wokim banis o bisnis kam aut olgeta. Ol bai raitim ol dispela nem na givim go bek long NCDC Helt Divisen long go sekim na toktok wantaim ol dispela lain.

Deputi Siti Menesa Honk Kiap i tok tu olsem ol pipel long Mosbi siti mas gat rispek long ol arapela manmeri insait long ol hap ol stap. Wanem samting yu mekim i mas gat luksave tu long rait bilong ol arapela tu.

Sapos lo i tok noken salim buai o no ken lukautim ol pik nabaut o mekim kainkain banis nabaut, yumi mas bihainim. Olgeta siti i save gat lo na yumi stap long Mosbi siti we NCDC i go pas long en na putim lo bilong yumi olgeta bihainim na stap gut insait long siti, Mista Kiap i tok.

Em tok dispela operesen bilong raun sekim ol haus em bilong kamapim gutpela klinpela hap bilong yumi stap gut long en.

Dispela operesen bilong raun sekim ol haus long ol kompaun o ol hap bilong Hausing Komisin stap long em bai kos olsem K600,000 long karimaut.

Gavana Parkop i tok ol i sot tru long man pawa bilong karimaut dispela operesen olsem na ol bai yusim ol yangpela bilong ol dispela hap eria yet olsem Hohola, Tokarara, Waigani, Gordons na arapela insait long siti.



Gavana Powes Parkop wantaim ol sinia menesmen bilong NCDC na ol yut bilong karimaut wok bilong sekim ol haus insait long siti.

BSP Smart Business
6013 0123 4567 8910
Expires: 06/17
Mrs Bank S Pacific

grow business

"A BSP Smart Business Loan helped my small home operation rise to become a Smarter Business."

Ginia Siaguru
Business Owner of Tapioca Delight

320 1212 / 7030 1212 - 24/7
servicebsp@bsp.com.pg
www.bsp.com.pg

BSP Proudly supporting PNG and the Pacific

K1.5 milien long ol Is Nu Briten skul

Michael Novingu i raitim

PRAIM Minista, Peter O'Neill, long dispela wik long Kokopo i bin tokaut olsem gavman bilong em bai givim K1.5milien long stretim ol skul, stat long 2015.

Stat long neks yia, gavman bai givim K500,000 long olgeta kris-mas inap long tripela krismas.

Em i mekim dispela ol toktok long taim em i opim nupela Kokopo/Vunamami Lokol Level Gavman (LLG) kaunsel opis long Kokopo.

Mista O'Neill i tok long 40 kris-

mas i go pinis, no gat wanpela gavman i givim kain sevis olsem long ol manmeri long kantri we i lukim ol i kism gutpela sindaun long ol komyuniti bilong ol.

Em i tok "mipela i les long tok-tok planti long politiks. Mipela i laik wok na givim sevis i go long ol manmeri long distrik level bai helpim sindaun bilong ol."

Mista O'Neill i tok gavman bilong em bai go het yet long givim fri edukesen we bai lukim ol pikinini i go skul long elementi i go long sekenderi skul level long helpim sindaun bilong ol long bi-hain taim.

Moa yet, em i tok ol dispela pikinini em ol lida maneri long kantri long bihain taim.

Dispela em i namba taim bilong gavman bilong em we ol i givim mani i go daun stret long LLG level long karim sevis i go long ol manmeri long ol haus dua bilong ol, O'Neill i tok.

Em i tok yumi olgeta i mas wok bung wantaim long lukim ol nupla haus slip bilong ol tisa, skul haus na ol arapela samting bilong skul we ol bai yusim dispela mani long kirapim wok i go het long kirapim ol skul.

Mista O'Neill i tok "dispela i no

nupela plen, nogat. Em ol plen bilong mipela we mipela i bin sainim long Alotau Akod taim mipela laik fomim gavman nau ol i mas karim kaikai.

Em i tok gavman bai kisim K20 milien long kantri Japan long wokim ol dispela rot, bris na ol arapela samting long kirapim kantri i go het.

Em i tok ol bai opim Kokopo Taun rot i go bikpela na bungim rot bilong Wes Niu Briten i kam long Is Nu Briten.

Mista O'Neill i tok oi tok tu olsem populesen o namba bilong ol manmeri i go antap na i singaut long ol manmeri long no ken

karim planti pikinini, tasol karim long mak.

Em i tok wok bilong gavman em long painim rot long putim ol dispela i go long skul long gutpela bilong ol long bihain taim.

Long wankain taim, Mista O'Neill i bin opim nupela Kokopo Vunamami Eben Kaunsel haus long Kokopo we ol i wokim long mani mak olsem K1milien.

Ol i kolim nem bilong haus ya Oscar Tamur Haus long tingim leit memba bilong Kokopo, Oscar Tamur husat i bin mekim sampela gutpela wok long kirapim Kokopo Taun long taim maunten paia i no pairap yet.

Ol Senia pablik sevan i kisim skul felosip

TUPELA Senia pablik sevan i kisim felosip stadi awod long go long skul long Australia na Nu Silan Skul bilong Gavman long Melbourne.

Fes Asisten Seketeri bilong Koporet Sevis bilong Treseri Dipatmen, Nama Polum, na Dipatmen bilong Jastis na Atoni Jen-

eral Deputi Seketeri bilong Jastis, Jastis Edministresen, Nichodemus Mosoro, bai kisim trening bilong ol pablik sekta lida long wok bilong stratejik menesmen, lidasip na polisi.

Dispela felosip stadi awod em i sapot bilong Australia Gavman long sapotim PNG pablik sekta

gavanens.

Hai Komisina bilong Australia long Papua New Guinea, Deborah Stokes i go pas long wanpela fewel ti bilong Misis Polum na Mista Mosoro insait long opis bilong Hai Komisen long tok gutbai long tupela. Tupela bai statim trening long Novemba 3.



Misis Nama Polum, Hai Komisina Stokes na Mista Nichodemus Mosoro i sanap insait long Australia Hai Komisen opis.

Ol Bmobile-Vodafone kastoma i ken kisim isipe nau long fon

OL manmeri i save yusim Bmobile-Vodafone inap long kisim isipe pawa unit long ol mobail fon bilong ol. Dispela i kamap long dispela wik bihain long PNG Pawa na Bmobile-Vodafone i tokaut long sainim "Get pawa" patnasip aste.

Aninit long dispela, ol lain i gat Bmobile-Vodafone mobail i ken kisim namel long K15 na K500 isipe unit long fon bilong ol.

Grup Eksekutiv Opisa bilong Bmobile-Vodafone, Sundar Rumarthy i tok ol i amamas long kamapim wok patna wantaim PNG Pawa (PPL) we bai mekim isi long ol kastoma bilong ol long baim Isipe topap long mak namel long K15 na 500. Fi long kisim ol unit long dispela rot bai aninit long K1.

Mista Rumarthy i tok long nau, ol kastoma i save kisim pawa namel long K15-K50 aninit long wankain arenjmen, tasol Bmobile-Vodafone patnasip wantaim PPL i rausim dispela mak na long wankain taim, dau-

nim fi i kam daun long K1 tasol.

Sif Eksekutiv Opisa bilong PPL, John Tangit i tok "PPL i gat komitmen long ol i kastoma bilong em na wanpela rot we PPL i laik mekim ilektrisiti sevis i go aut long gutpela rot long pablik long dispela kantri na ol kastoma i ken kisim pawa wanem taim ol i laikim.

Ol i ken dailim *775*, isipe mita namba*hamas mani ol i laik baim unit long en na#.

Ol kastoma inap painim moa infomesen bilong Get Pawa long Bmobile-Vodafone online pes www.bmobile.com.pg/getpawa

Get Pawa i kamap bihain Bmobile-Vodafone i karimaut rolaut Ilektronik Vausa distribusen (EVD) risela senta long Waigani het opis. Risela senta i strongim pipel long wokim bisnis na mekim mani bilong ol.

Ol lain i laik kamap ol risela i ken ringim risela help lain long 7600300 o salim email i go long reseller@bmobile.com.pg

Noken lus tingting long baim
WANTOK niuspepa tude!
Niuspepa bilong yumi ol PNG stret!!



"FIRST TIME INVESTOR SEMINAR"

WANT TO:

- > Understand the Share Market?
- > Learn more about investing in shares?
- > Invest in dynamic National and International based companies?
- > Learn more about Government Securities? or
- > Find out how you can invest in Treasury Bills & Inscribed stocks?

Here is your Chance!!!

POMSoX with our Stockbrokers, BSP Capital and Kina Securities and the Bank of PNG will be conducting Investment Education Seminars as detailed below. Do not miss this great opportunity. So Register Now.

DATE	VENUE	TIME
Fri - 31 Oct 2014	Crown Plaza - Port Moresby (National Capital District)	9.00 am - 12.00 pm
Wed - 5th Nov 2014	Madang Resort (Madang Province)	9.00 am - 12.00 pm
Fri 7th Nov 2014	Lae International Hotel (Morobe Province)	9.00 am - 12.00 pm

To attend, simply deposit your fee(s) of **K150.00** into our account and send us confirmation of your payment. If you are unable to fax or email a copy of your deposit slip, simply call us and give us details of your payment.

A/C Name: **Port Moresby Stock Exchange**
A/C: No.: **1000068396**
Bank: **Bank South Pacific**
Branch: **8-950 Douglas Street, Port Moresby**

For Further information, please contact us on:

Tel: 320 1980
Fax: 320 1981
Email: pomsox@pomsox.com.pg

Ol mama long Madang-Ramu Haiwe kisim mani long kokonas

James G. Kila i raitim

PLANTI ol mama long ol viles na hauslain stat long Tapo wara i go long Ramu Suga i wok long salim kokonas arere long rot bihain long sik nogut Bogia Kokonas Sindrom (BCS) i pretim ol lain long not kos rot na Bogia long Madang.

Ol mama long ol ples arere long Madang-Ramu Haiwe i salim kokonas bikos i gat sek-poin i stap long Tapo we i save sekim ol kokonas i kam olsem long Bogia na Not Kos Rot (NCR) long Madang. Ol lain bilong Nesenel Egrikalsa na Kwarantini Atoriti, Kakao Kokonas Institiut (CCI) na Kopra Industri Koporesen wantaim Dipatmen bilong Egrikalsa na Laipstok i wok long sekim olgeta kar na trak i karim ol kuru bilong kokonas, banana na ol arapela diwai na plawa i go aut long Madang. Olsem na dispela i wokim na planti lain i no save karim ol liklik diwai samting i gat nupela kuru i go aut long Madang.

Ol lain inspektas long Tapo sek-poin i save rausim ol brum ol i wokim long lip-bun bilong

kokonas na tu katim ol kuru bilong ol plawa ol manmeri i kisim long Madang na laik long planim long ol arapela provins long Morobe na long Hailans rijon.

Bihain long dispela tambu i kamap, rot long Madang-Ramu Haiwe i pulap long ol mama i bringim kokonas na stat salim long ol holsel baiyas bilong Hailans husat i save baim kokonas long bikpela hip na pulmapim kar bilong ol na karim i go long hailans.

Wanpela bikpela hip kokonas we ol mama i save pasim foapela kokonas em K2, na ol antap long en em K5.

Ol NAQIA inspekta i tok sampela ol lain holsel kokonas baiya i save go olgeta long NCR long Madang yet na baim ol kokonas na rausim ol skin bilong kokonas na go kamap long Tapo sek-poin na bihain long ol i sekim pinis ol i save karim i go antap long hailans.

Wanpela yut lida bilong Karkum viles long NCR, Andrew Kubai i tok ol hailans i save baim kokonas long liklik mani na taim ol i karim i go long ples bilong ol, ol i save salim long bikpela prais na kisim bikpela mani.



Wanpela mama i salim kokonas long rot taim NAQIA i putim tambu pinis long Madang.



Yut, Meri na Famili
Pastor
Barbara Lunge

Kirapim Gospel singsing na danis long PNG

“YUPELA olgeta manmeri bilong graun, yupela i mas singim nupela song bilong litimapim nem bilong Bikpela. Yupela ol man i raun long sip na yupela ol abus bilong solwara, yupela i mas litimapim nem bilong em. Yupela ol manmeri bilong ol kantri i stap longwe, yupela i mas singim nupela song. Yupela ol manmeri bilong ol taun i stap long ples drai, na yupela ol manmeri bilong lain Kedar, yupela i mas singaut strong na litimapim nem bilong em. Na yupela ol manmeri bilong taun Sela, yupela i mas i go antap long ol maunten na singaut wantaim amamas. Yupela ol manmeri i stap klostu na yupela ol manmeri i stap longwe, yupela olgeta i mas litimapim nem bilong Bikpela na givim biknem long em.” Aisaia 42: 10-12

Singsing an danis long Gutnius bilong God i mas kirap long Is Get kantri long redim rot bilong Mesaia i kam bek. Dispela bai daunim tait wara bilong pasin no gut i wok long kamap bikpela. PNG em i Kristen kantri na em i ken senisim ples antap long skai na long ol Is Get kantri.

I gat ol ples haiden we ol i lotu yet long giaman god we ol tumbuna i save lotu long ol olsem ol kaving long Pasifik kantri, lotu Buddhism, Hinduism, Taoism, Islam na planti narapela god bilong arapela kantri long Esia, Isten na Midel Is. Yumi mas kirap na bihainim singaut bilong God long mekim senis long ol dispela kantri olsem.

“Bikpela bai kam olsem bikpela wara i tait taim win bilong Bikpela i kirap na sakim wara na mekim wara i ran spit tru. Na ol manmeri long olgeta hap bilong graun, stat long hap sankamap na i go inap long hap san i go daun, ol bai i save long strong na biknem bilong Bikpela na ol bai i pret long nem bilong en na ol bai i aninit long en. Bikpela i tok olsem, ‘Mi God bilong sambai long yupela na helpim yupela, bai mi kam long Jerusalem na kisim bek olgeta manmeri bilong lain bilong Jekop i lusim pinis pasin bilong mekim sin. Na bai mi mekim kontrak wantaim ol na tokim ol olsem, ‘Spirit bilong mi bai i stap long yupela na maus bilong yupela bai i autim tok bilong mi. Oltaim bai yupela i mekim olsem, na bihain ol pikinini bilong yupela na olgeta lain tumbuna pikinini bilong yupela, oltaim ol tu bai i autim tok bilong mi.’” Aisaia 59:19-21

“Orait bihain, profet meri Miriam, susa bilong Aaron, i kisim wanpela kundu na olgeta meri tu i kisim kundu na i go bihainim Miriam. Na ol i paitim ol kundu na ol i wok long singsing na danis. Na Miriam i mekim song long ol olsem, ‘Singim song long Bikpela, long wanem, em i winim bikpela pait tru. Em i tromoi ol hos wantaim ol man i sindaun long ol hos i go insait long solwara.’” Kisim Bek 15:20-21

Na olsem wanem long ol meri profet bilong PNG? Wanem taim tru bai yu singsing na litimapim nem bilong Bikpela God long em i lukautim yumi na kisim yumi kam inap klostu 40 yia yumi stap independen?

Mi save laikim tru dispela singsing long tok Inglis olsem: “God got an army marching through the land. And deliverance is their song with healing in their hands. And everlasting joy with gladness in my heart and in this army I got a part. Oh with the high praises of God in my mouth and a two edged sword in my hand. We will march right out to the victory side!!!”

Na yu i gat wanem kain singsing yu save laikim, nau i kirap long bel bilong yu? Kirap singsing, danis na bringim God i kam daun long PNG na em bai amamas wantaim yu.

Toksave: Ol mama i gat wari, tingting planti, bel hevi yu mas kontekim mi na bai mi helpim yu. Kisim mi long dispela adres na fon namba. Barbara Lunge, ROGIM, P.O. Box 3063, Boroko, NCD, PNG, o ring long 70995378 o salim email long: lungeb37@gmail.com



Yumi Stori long PNG LNG

Wantaim Peter Graham, CBE
Manesing Dairekta,
ExxonMobil PNG Limited

Long wok bilong mi, mi bin laki tru long i gat wanpela namba wan tim bilong ol manmeri i wok wantaim mi. Mipela i sanapim wanpela nupela ogenesesen long sapatim operesen bilong mipela long Papua Niugini. Mi amamas tru long ol wok na mak ol wokmanmeri bilong ExxonMobil PNG i winim.

Invesmen bilong mipela long trening i wok long karim gutpela kaikai na yu ken lukim long kontribusen bilong ol wokmanmeri. Mipela i givim moa long 2.17 milien aua long trening long taim konstraksen wok bilong Projek i bin stat long 2010. Ol kos i karamapim kompiuta trening, i go long sefti, na wok bilong supavaisa na ol arapela skills trening long redim ol wokmanmeri long bihainim seif pasin bilong wok, na kamapim gutpela wok, na long redi tu long wanem kain salens i kamap long bihaintaim.

Planti bilong ol dispela trening i bin kamap long ol trening fasiliti olsem Pot Mosbi Konstraksen Trening Fasiliti na Juni Trening Fasiliti. Mipela i givim dispela tupela trening fasiliti i go long gavman olsem hanmak bilong Projek. Mipela i amamas gavman i gat plen long givim vokesenel trening long dispela tupela trening fasiliti.

Wanpela PNG LNG trening program mi ting i namba wan, em trening bilong 140 yangpela Papua Niugini man na meri long kamap Operesens na Meintenens teknisen bilong mipela. Tude, ol dispela yangpela pipel i wok long kisim save long operet na lukautim ol PNG LNG fasiliti – kost bilong sanapim ol dispela fasiliti i moa long \$19 bilien.

Mipela i statim Operesen na Meintenens teknisen trening program long 2010, na mipela i kisim namba tu lain rikrut long 2012. Bihain long 18 mun long Pot Mosbi, ol dispela teknisen i go trening long ovasis, namba wan grup i go long Canada na namba tu grup long Malaysia. Ol tupela koles ya i ripot olsem ol studen bilong Papua Niugini i soim olsem ol i laik lainim samting na ol inap long kisim moa save – na ol i save soim gutpela pasin. Nau ol i kam bek wok long PNG, ol ovasis supavaisa husat i staim ol long wok, i tok ol dispela teknisen i gohet yet long mekim gutpela wok tru.

Bikos dispela program i karim gutpela kaikai, mipela i tingting long kisim namba tri lain gen. Klostu nau bai wok bilong kisim ol dispela lain i stat na trening bai stat long namba tu kwata bilong 2015.

Nogut yu save long sampela lain husat i gat bikpela laik tru long wok long oil na gas industri. O ating yu tasol i gat laik?

I gat kraiterai mipela i putim long ol kendidet i mas winim bikos mipela i painim ol nambawan lain tasol. Bai mipela i putim ol edvetaismen klostu long kisim ol dispela lain long ol wik ikam, olsem na putim ai long website bilong PNG LNG (pnglng.com) long kisim moa tok save.

Long olgeta hap bilong wol, ExxonMobil i toktok strong olsem edukesen long metametiks, saiens na ensiniaring na ol wankain teknikel disiplin, i bikpela samting. Edukesen long ol dispela samting i wanpela bikpela rot bilong developim ol saientis, ensinia na teknisen husat i as bilong kamapim ekonomi bilong Papua Niugini.

Gutpela de.

Mi laik save long tingting bilong yu, na wanem samting yu laik ritim long dispela kolum, plis salim email i kam long pnglngproject@exxonmobil.com o lukim mipela long www.pnglng

Australia na Bogenvil i bung long strongim wok

OPERATION Render Safe 2014 (ORS 2014) bilong Torokina, Sautwes Bogenvil i wanpela bikpela samting we i bungim wantaim Australia na Bogenvil na strongim wok pren namel long ol.

Hai Komisina bilong Australia long PNG, Deborah Stokes i tok olsem long Torokina Komyuniti Skul we wanpela delegesen i gat ol bik-lain politisen na diplomat i bin bung long las wik long lukim wok bilong ORS 2014 na rot em i kamapim gut sefti bilong ol komyuniti long hap.

ORS 2014 i bilong rausim ol bom i no pairap we ol Alaid soldia bilong Amerika, Australia, Nu Silan, Yunaitet Kingdom na Canada i bin lusim long Torokina taim bikpela pait em Wol Woa 2 i pinis klostu 70 krismas i go pinis.

Planti ol gan, ol katres, ol bom na ol arapela samting bilong pait i stap long Torokina, sampela we ol paitman long Bogenvil i bin kisim na yusim long pait wantaim ol birua PNG Difens soldia na tu, ol arapela wantok bilong ol long Bogenvil Kraisis moa long 20 krismas i go pinis.

Atonomas Bogenvil Gavman

(ABG) Presiden, Dokta na Sif John Momis i bin go pas long delegesen we komyuniti long Torokina Praimeri Skul i bin welkamim ol.

Delegesen i bin gat long en Hai Komisina Mis Stokes, Australia Difens Fos Sif ov Join Operesen Vais Admiral David Johnston na Minista bilong Bogenvil Afeas na Memba bilong Saut Bogenvil, Steven Pirika Kamma.

ORS 2014 i gat long em ol save-man bilong ol kantri olsem Amerika, Australia, Nu Silan, Yunaitet Kingdom, Canada na Solomon Ailan long wok bilong painim na pairapim ol olupela bom i no pairap na ol arapela samting bilong pait.

Oi i bin kamap long Torokina long las wik Trinde Oktoba 22 bihain long askim bilong ABG na tok orait bilong PNG gavman long rausim ol samting bilong pait ol i bin lusim long Wol Wo 2. Polis fos bilong Bogenvil i wok wantaim ol lain bilong ORS 2014 long kliarim ples long ol bom i no pairap na ol narapela samting bilong pait.

Bosman bilong ORS 2014, Vais Admiral Johnston taim em i tok tenkyu long ol pipel bilong Bogenvil na Torokina i bin tok i bin kisim tu-



WELKAM: Ol mama long Torokina komyuniti i welkamim ol memba bilong ORS 2014 long Torokina. *Poto: Australia Hai Komisina Midia*



Ol Austrakia soldia i rausim kago taim ol i kam sua long Bogenvil. *Poto: Australia Hai Komisina Midia*

pela yia long plenim dispela operesen long tupela yia taim Australia i bin kisim askim long ABG long sapatim ol long wok bilong rausim ol samting bilong Wol Woa 2 pait

na mekim ples i seif.

ORS 2014 i wanpela bikpela komitmen bilong Australia long mekim Saut Pasifik i seif long ol samting bilong pait ol i lusim long

Wol Woa 2.

Oi i karimaut wankain operesen pinis long Solomon Ailan na Rabaul, Is Nu Briten Provins.



Ebola kilim yet...

Ol wokman bilong Red Cross long Wes Afrika i redi long planim wanpela viktim bilong sik Ebola. *Poto: ABC News*

Nupela opis bilding bilong ol polis ... K4 milien long sanapim

OL polis manmeri long dispela kantri bai mekim gut wok bilong ol na tok tenkyu i go long Australia Federal Polis (AFP) long fandim nupela dabel opis bilding long Boroko Polis Stesen, Pot Mosbi ol i bin opim long las wik Fonde.

Manimak long K4 milien em PNG Australia Polising Patnasip i bin fandim dispela dabel stori bilding we samting olsem 60 wok manmeri bai wok long ol opis, ol bikpela miting rum spes, olk stoa rum, ol haus kuk na ol toilet, ol nupela opis fenitsa na ol kompyuta.

Oi RPNG polis na AFP bai wok insait long dispela nupela bilding aninit long het tok, "wok wantaim" long promotim wok patnasip namel long ol.

Opening seremoni i bin lukim Hai Komisina bilong Australia long PNG, Deborah Stokes, AFP Komanda Asisten em Alan Scot na ol senis opisa bilong AFP na Royel PNG Polis Komisina na lain bilong em i stap na wokim ol toktok.

AFP Komisina, Andrew Colvin na RPNG Deputi Komisina Edministresen, Awan Sete i bin opim dispela nupela bilding.

Taim Komisina Sete i tok

welkam long AFP Komisina Colvin long PNG na nupela wok bilong em, em bin tok stap bilong nupela AFP bos long PG i soim wokbung, strong na komitmen long wok patna namel RPNG na AFP.

Komisina Sete i bin strongim ol RPNG long lukautim dispela tupela nupela bilding na amamas long wok insait long ol long planti moa yia i kam.

Long wankain taim, 8-pela polis opisa i kam bek long kantri bihain ol i bin pinisim wok ples plesmen program long Australia wantaim ol AFP polis long Canberra na Darwin.

PNG na Australia Polising Patnasip i bin kamapim dispela program long helpim ol RPNGC na ol wan wan opisa i strongim polis wok insait long ol wan wan wok eria bilong ol.

Inspekta Jenny Wakore i wok long Bomana Polis Kolis i tok "dispela i bin wanpela gutpela sans long kisim moa save long wok program na menesmen bilong polis trenning long Australia. Mi bilip olsem bai mi karimaut ol samting mi bin lainim long Australia hia long Bomana Polis Trening Kolis.

EBOLA i no kamap long PNG yet

LAS wik long Pot Mosbi, Dokta Sibark Bieb, man husat i go pas long ol disis o sik long kantri i tokaut olsem i no gat wanpela lain long PNG yet i soim liklik o bikpela sain bilong dispela sik EBOLA.

Dokta Bieb i bin mekim dispela toktok long taim ol i holim wanpela konprens long Dipatmen bilong Helt long

Fraide las wik. Wol Helt Ogenaisesen i wok long lukluk moa long pinisim dispela sik no gut bilong bringim dai, klostu long pinis bilong mun Mei long 2015.

Pot Mosbi Jeneral Haus sik Aisolesen wod 4 bai i stap sambai long ol lain i kisim sik Ebola long kisim tritmen, tasol ol i no tok klia yet bikos i

gat ol narapela hap tu i stap, we Nesenel Tas fos bai toksave long ol.

Oi memba bilong tasfos em Dipatmen bilong Helt, ol Yunaitet Nesens (UN) ejensi, Non Gavman Ogenaisesen (NGOs), Intenesenel Non Gavman Ogenaisesen (INGO) na ol praivet enteprais.



PIH Saveman Nius

"I kam long Pacific International Hospital Port Moresby"
 Ph: (675) 323 4400 Fax: (675) 323 4600 Website: www.pih.com.pg

Sik bilong Daiabitis long ai

Yu gat sik daiabitis o wanpela man o meri yu save long en i gat dispela sik? Wanem taim tru yu bin go sekim ai bilong yu wantaim wanpela dokta?

Daiabitis mellitus em i wanpela sik i bikpela tru long kamapim ai pas long wol. i no gat ol namba tru long soim hamas manmeri i save kisim sik long ai bikos long daiabitis long PNG, tasol nau tasol ol dokta i luksave olsem dispela sik em i wanpela bikpela rot bilong kamapim ai pas long ol pipel i stap aninit long 65 krismas.

Daiabitis mellitus inap long kamapim planti kain hevi long ai olsem:

- Smuk o klaut long ai i mekim ai i no lukluk gut
- Ai pas olgeta wantaim sik daiabitik retinophaty, sapos ol dokta i no traim long stopim hariap wantaim ol marasin na lesa o sut.
- Daiabitis mellitus i save mekim rot bilong katerek (glas insait long ai i slek na lukluk ino klia) na glaukoma (presa long aibol i kamapim ai pas isi, isi) long kamap.

Sampela lain bai i no nap luksave olsem ol i gat daiabities mellitus long planti yia i go inap ol i stat long kisim hevi long ai bilong ol na ol i no lukluk gut. Strongpela daiabitis sik long ai i save kamap moa long ol pipel husat i gat sik daiabitis milletus long bodi bilong ol long planti yia na bodi bilong ol i no nap long bosim suga blut long dispela taim. Daiabitis mellitus i ken kamapim tu hat disis, strok o hap indai, kitni bagarap, na ol blut i no ron gut long lek na lek i slek long wokabaut.

Wan wan lain inap long traim na abrusim ol problem bilong daiabitis milletus, we i save bagarapim ai, sapos ol i lukautim ol yet long dispela rot:

- Lukim dokta sapos ol famili bilong yu i gat stori long dispela sik o i gat wanpela i bin kisim dispela sik.
- Lukautim gut bodi i no ken go pat tumas
- Lukluk gut long wanem samting yu kaikai. No ken kaikai tumas ol kaikai i gat moa gris na kaikai ol stua kaikai nabaut. No ken kisim

kaikai o dring i gat bikpela suga, no ken kaikai wait rais na wait bret. Kaikai kumu na rut moa.

- Wokim ekksesais planti taim, olsem 2 na hap aua erobik ekksesais olgeta wik.
- No ken smuk
- Lukaut long blut presa bilong yu sapos yu gat hai BP.

Dispela kain laipstail menesmen tasol i soim sain bilong daunim sans bilong kisim daiabitis 2 na pri-daiabitis. Em i ken mekim kamap bilong pri-daiabitis i hariap o i kamap isi, isi. Olsem na tingim em i moa gut long stopim hevi pastaim long em i kamap.

Sapos yu o wanpela man o meri yu save long en i kisim pinis toksave long dokta olsem yu o em i gat daiabitis milletus, yu mas bihainim dispela pasin olsem:

- Lukluk gut long mak bilong suga long blut bilong yu o narapela, na glycosylated hemoglobin HbA1c.
- Kisim marasin bilong daiabitis olsem heltkea woka o haus sik i tokim yu. No ken stopim dispela marasin sapos dokta i no toksave yet long wanem taim mak bilong suga long blut bilong yu i kamap gut gen.

Sapos yu gat sik daiabitis o nau tasol ol dokta i painimaut long yu gat dispela sik, yu MAS lukim wanpela ai dokta long sekim retina bilong yu o samting long baksait bilong ai we i save mekim yu long lukim samting. Sapos dokta i lukim hariap na yu kisim marasin bilong diabitii ai sik, em i ken stopim ai pas, ol i kolim retinopati na dispela i ken mekim ai i pas olgeta sapos ol i no luksave hariap.

Dispela toksave i go long pablik na o medikol dokta olsem Ai klinik long Pasifik intenesenel Haus sik i gat gutpela we bilong sekim ai na i gat kala retinol poto i stap long wokim stori bilong siklain bilong daiabitis retinopati na bai yu ken bihainim ol isi.

Fluoresceine angiography sevis tu i stap long save long rot bilong blut i save kisim bagarap wantaim daiabitik retinopati na bai yu ken mekim gutpela plen bilong rait lesa tritmen.

Wantok i raun long PIH Ai klinik

TUNDE 28 Oktoba mi go raun long PIH ai klinik long nupela speselis haus sik antap long 3-Mail maunten long sekim ai bilong mi.

Mi bin amamas tru long namba wan dokta bilong ai na bos bilong PIH, Dokta Amyna Sultan i bin mekim taim long kam bek na lukim mi, bikos mi bin go olsem las meri long lukim dokta. Em i bin go pinis long taim mi stap yet wantaim asisten ai dokta, Priscilla Drikori long sekim ai bilong mi. Tasol ol i bin go singautim em kam bek na em i lukim mi gen na toktok wantaim mi.

Mi mas lukim em na kisim stori bilong wanem rot sik Daiabitis i save kamapim bagarap long ai, bikos dispela mun em i mun bilong tingting long sik daiabitis na long painim rot bilong stopim.

Insait long dispela wokabaut bilong mi, Dokta Sultan i bin soim mi long kain hevi i save kamap long ai bilong ol man taim ol i gat sik daiabitis. Bikpela toktok em Dokta Sultan i tokim mi long ol lain i save wok long taun na holim ol bikpela opis wok olsem ol i mas wokim sekap long dokta long blut suga bilong ol na bodi bilong ol, olgeta taim sapos krismas bilong ol i winim 30 yia.

Em i tok olsem planti taim em i save givim gutpela tok stia long ol bikpela save manmeri long ol i mas was gut long kaikai bilong ol na lukautim bodi wantaim ekksesais samting na tu, long sekim dokta bilong



Kamera bilong lukim baksait bilong ai (Funduscope)

ol. Tasol sori tru olsem planti i no save bihainim. Dokta Sultan i tok moa olsem sampela taim em i askim ol siklain long ol kain sain bilong daiabitis em ol i save tok, no gat.

Tasol taim em i lukluk long wanpela spesol foto masin ol i kolim 'funduscope' em kamera bilong lukim baksait bilong ai bol, na em i save lukim stret long baksait bilong ai bol olsem sampela hap rot bilong blut em i gat ol solap olsem liklik balun o i gat blut i bung i stap. Dispela i soim sain bilong daibitis o sik suga. PIH em i wanpela haus sik tasol i gat dispela kain masin insait long kantri, na olgeta haus sik olsem bikpela Pot Mosbi Jeneral haus sik i save salim ol siklain bilong ol i go long PIH long kisim poto long ai bilong ol.

"Yu no ken wet inap yu kisim dispela kain sain long ai. Wankain birua i save kamap long lang na hat na liva tu, taim man i kisim sik suga o daiabitis," Dokta Sultan i tok.

Insait long PIH, pastaim long Oftamolojis Dokta Amyra Sultan i lukim wanpela sikman o meri i gat wari long ai bi-

long ol, em ol i save go lukim Priscilla Drikori em i Asisten bilong oftamolojis. Prislai save kisim namba wan stori bilong siklain na em i save sekim ai bilong ol siklain pastaim long ol i go lukim bikpela dokta. Sampela taim em yet i save stretim hevi bilong ai bilong ol na givim marasin, sapos em i no bikpela sik tumas. Em i save makim sais bilong ai glas, kisim fundus foto, makim intra-ocular presa ai tes olsem.

Dokta Sultan i tok, long narapela yia bihain, bai gat narapela dokta bilong baksait bilong ai (Retina) Speselis, Dokta Subedi bai kam long wok wantaim em. Dokta Sultan em i speselis long fran bilong ai tasol nau em i save lukluk long baksait bilong ai tu.

Wantaim dispela, Dokta Sultan i mekim singaut moa long ol pipel olsem yu mas sekim bodi bilong yu wantaim dokta bilong yu long em i ken luksave sapos yu gat sik daiabitis o no gat. Yu hariap bai ol i ken helpim yu long daunim sik, sapos no gat bai yu lusim hap bodi o laip bilong yu tu.

OPERATION OF HOPE: Send patient details by SMS to 7155-8866 if you have a relative with cleft lip and cleft palate, and want to be considered for the free surgeries from Dec 14 to 20 at the soon-to-open new Pacific International Hospital in 3-Mile Port Moresby. A team of doctors from the USA will arrive to do these free surgeries. We are trying to coordinate sponsors to help those from outside of Moresby be able to fly to Moresby for the operations. Corporates, church groups, LLGs who are regionally based and interested to help may likewise send SMS to 7155-8866.



The new PIH at 3-Mile, opening soon.

Names of regional coordinators of Operation of Hope (still open for volunteers from other areas)

- Bougainville - Dr. Matthias Tovilu, Buka - 7108 - 3889
- Oro - Dr. Toau Giara, Popondetta Gen - 7338-5140
- Madang - Dr. Jimmy Aipit, Madang - 7242-5425
- East Sepik - Cletus Bon, Wewak - 7384-2955
- Jiwaka - Priscilla Pius - 7179-0820



Eye Care locations in Port Moresby:

- Waterfront Food World, Harbour City Pom, Ph: 320 1991
- Vision City Mega Mall, Shop No F5, level 1, Waigani Pom, Ph: 310 0484
- Steamships Plaza, Shop No 29, Down Town, Pom, Ph: 320 3338

Pacific International Hospital:

4-mile (Boroko bus stop) - 323 4400, Specialty Clinic (3-mile) 311 3000 and Vision City - 310 0485 Website: www.pih.com.pg
 Text line (for SMS inquiries ONLY) - 7155 8866

Ol program bilong helpim famili

LONG wol we i karamapim tu PNG, sosel na famili hevi i wok long kamap bikpela.

Na ol sios wantaim ol Kristen redio na telvisen stesen i helpim long traim givim ol gutpela stia long daunim na abrusim ol hevi na gutpela sindaun i ken stap long ol famili, komyuniti na ol kantri. Wantok Redio Lait i wanpela Kristen redio stesen long PNG i save kamapim ol program na brotkas long givim gutpela spirituel, sosel na famili stia na tu helpim long strongim prea na bilip laip bilong ol man na meri long dispela kantri.

Stat long dispela wik Mande, Wantok Redio Lait i wok long brotkastim ol laip brotkas progrem long famili laip we "Focus on the Family (FOTF) International i kamapim.

Ol bikpela toktok insait long ol brotkas i sut long bilip yumi gat long God, watpo ol kain hevi i kamap na we bilip long God tasol i ken helpim yumi long ol hevi yumi bungim tude long famili na marit laip.

Long Mande Oktoba 27 na Tunde, het tok bilong FOTF em, Hope in the Midst of Suffering and Disappointment". Dispela topik i lukluk long

taim yumi bungim hevi na askim watpo God i mekim yumi i karim hevi. Dispela tu i testim bilip bilong yumi na mekim yumi i trastim God long taim bilong hevi na pen.

Long aste Trinde Oktoba 29 na tude Fonde Oktoba 30, het tok bilong program em Parenting with Love" we spika i fokas long gutpela skul na rol modol bilong wanpela papa i go long pikinini bilong em.

Long tumora Fraide, het tok em "Making a Win-Win Decision in Marriage" we i fokas long tupela marit i wok wantaim olsem tim long wokim disisen.

I gutpela long yumi i harim ol dispela kain program long helpim yumi long laip, wok na sindaun bilong yumi.

Ol program long Family Life Today i kamap long 2.30 apinun long Mande inap long Fraide na Focus on the Family i kamap long 12.30 am, 6.30 am na 7.30 pm long Mande inap long Sarere.

Long wankain taim, Wantok redio Lait fan resing i save kamap long program bilong ol, "SHAREATHORN", ol i resim K1,022,935.50 long kes na ol tok promis. Dispela mani bai helpim stesen long mekim wok bilong em.

Lewa bilong Friedmann i stap wantaim Sepik pipel

... Tingim wok misinari long ples Yataom

I kam long MAF International Asia Pacific, PNG

WANPELA misinari bilong Austria we mama i karim em long PNG i gat ol pipel long dispela kantri long lewa bilong em na i bin wok long dispela kantri long 10-pela krismas i bin kam bek na serim stori bilong em.

Friedemann Urschitz i bin kam wok olsem misinari wantaim Pasifik Ailan Ministris (PIM), wanpela Ameriken Misinari Sosaiti namel long ol pipel bilong Yataom bilong ol maunten bilong Wes Sepik Provins. Dispela pipel i save stap long ol diwai haus long bus.

"Mi namba wan waitman we ol Yataom pipel i lukim taim mi go wok long hap long yia 1999," Friedemann i tok.

Papamama bilong em i wok olsem ol misinari wantaim Liebenzellar Mission long Wes Sepik long ol longwe ples long givim ol hop na helpim long spirituel na fisikel sait.

Mama i karim em long PNG na em i bihainim ol na kamap misinari tu.


Tasol pastaim, em i bin skul long kamap mekani kna em i maritim Elfriede, meri Austria na tupela yangpela i statim wok misin wantaim Liebenzellar Mission long Zambia, Afrika long 4-pela yia. Ol bin gat tupela pikinini long hap.

Long 1998, ol bin kam long PNG na wok long 10-pela yia wantaim Pasifik Ailan Ministris (PIM), wanpela Ameriken Misinari Sosaiti long sem ples we tupela misinari papa na mama bilong em i bin wok long en nap les we em bin groap long en.

Wok bilong em nau em long helpim wantaim mekanikal trening, wok mentenens log ol ikwipmen, supavaisim ol sios na enkarjijim ol yangpela bilip manmeri.

Friedmann i save olsem ples balus i impoten laipin long ol ples i stap longwe long ol rurel eria, em i supavaisim na bilsim 5-pela nupela pikas balus, helpim long lukautim na opim bek 5-pela na kirapim na bildim tupela

WANTAIM YATAOM PIPEL: Friedeman wantaim ol Yataom pipel, lewa stret bilong em.



FAMILY: Friedemann wantaim famili long yia 1999.

nupela ples balus long Sepik eria long wok na stap bilong em long hap.

Friedemann i save go long ol longwe ples na wok about namel long ol taiswara na ol maunten.

"Taim mi kam pastaim long Yataom, ol pipel i stap long ol diwai haus long ol maunten ples na mi wari long ol.

"Long kamap long dispela ples, yu mas wokabout tripela o 4-pela de long Ok-sapmin gavman stesen. Longpela wokabout tumas na i hatwok na olsem, mi lukim olsem ol Yataom pipel i mas gat ples balus bilong ol yet. Mi bin supavaisim wok na i save bihainim dispela eria i go na i kam planti taim.

"Long wan wan raun bilong mi, planti sik pikinini i dai pinis long han bilong mi bikos haus sik i stap longwe stret.

"Bihain long 4-pela yia bilong hatwok, Yataom ples balus i pinis long yia 2004

we i mekim isi long flai i go long haus sik i stap long eria. Ol balus bilong Misinari Eviesen Felosip (MAF) i wokim ran long dispela eria olgeta taim," Friedemann i tok.

Long yia 2004, Friedemann famili i lusim PNG na go bek Austria na sindaun log ples Salzburg bikos tupela pikinini bilong ol i mas go long skul.

Nau em i wok olsem fasiliti mentenens menesa long Salzburg, long kantri Austria long Yurop.

Bos bilong em i amamas long wok bilong en na tu, em i save long laip na wok bilong em bipo, na em (Friedemann) i kirap no gut taim bos i givim em 8-pela wik malolo long kam raun long PNG gen, na strongim ol komyuniti na sios em bin wok wantaim.

Long dispela taim, Friedemann i bin helpim long trenim ol asples na long prektikel wok long lukautim

ol ples balus.

Em i lukim olsem bikpela wok em long sefti bilong ol ranwe bilong ol ples balus bikos kondisen bilong sampela ples balus i no gutpela.

Em i lukim olsem sampela ples balus na dispela i givim bikpela hevi long ol pipel long wanem, i no moa gat ol imejensi ran bilong balus, na planti pipel long ol rurel ples i dai.

Friedmann i autim bikpela tok tenkyu i go long MAF misinari balus sevis long helpim em i go long lukim ol ples olsem Yataom, Moropote na Niksek.

Tu, MAF i kisim iol stesen menesa na ol tisa i go na kam long Ambunti na Friedemann i givim ol trening long ol wok bilong ol, sindaun wantaim ol na toktok long ol salens long wok na strongim ol long bilip laip bilong ol.

Long ol dispela MAF balus ran, ol bin trenpotim tu ol spea pat bilong fiksik ol lon mowa, ol sola sel na ol sola lait long putim long ol ples, penim na mentenim ol konmaka na salim long stretim redio i bruk i go long Goroka long stretim.

Long helpim bilong MAF, Friedemann i bin sanapim wara bilong dring sistem long nupela sios long ples Saranape.

Friedemann i gat bikpela laik yet long kam bek long PNG na wok olsem misinari long ol pipel bilong Sepik, na i gat bilip olsem dispela i ken kamap tru.



BOUBOU

OLGETA yia long Mun Septemba na Oktoba, Sen Michael Peris Hanuabada i save gat planti bikpele selebresen.

Stat long pinis bilong Mun Septemba, peris i bin holim bikpela selebresen bilong Sen Michael, was santu bilong peris. Long yia 2014, mipela i bin selebretim wantaim silva Jubili bilong Peris pris, Pater Paul Liwun SVD, bilong Indonesia. Em mi tasol i save raitim dispela Stori Tasol kolom ya.

Long Mun Oktoba, bikpela selebresen bilong ol pikinini i kisim namba wan Santu Komyunio, Misin Sande na narapela selebresen ol i kolim BOUBOU (Sakrifais) i bin kamap.

Boubou em i wanpela gutpela tredisen o kastom bilong Yunaitet Sios. Em i de bilong sakrifaisim wanem samting yumi gat long en na givim i go long God na Sios. Katolik Sios long Hanuabada i lukim dispela selebresen em i wanpela gutpela rot long helpim manmeri long sapotim Sios o peris bilong Hanuabada. Olsem na olgeta yia, mipela i selebretim long namba tu Sande bilong Mun Oktoba.

Mipela i bin statim wantaim wanpela High Mass (Solemnity) insait long Haus Lotu. Bihain long Santu Misa, mipela i bung long fron bilong Sios na wan wan Klasta/komyuniti, femili o wanwan manmeri i ken bringim BouBou/Sakrifais bilong ol i givim long Fainans Komiti bilong Peris. Ol i no givim nating nating. Nogat. Ol i kam wantaim singsing, danis na kalap kalap long bringim ofa o saskrifais bilong ol i go long sapotim peris o wok bilong sios.

Long mun Februari olgeta yia, mipela i launsim Boubou. Wan wan klasta o komyuniti na spirituel grup i wokim funresing long grup bilong ol, na bungim liklik mani ol i kisim long en na givim long Peris long taim bilong Boubou/Sakrifais.

I luk olsem olgeta yia mipela i kisim namba bilong Boubou i go antap. Taim mi stat wok long Hanuabada long 2010, inap nau (2014), sakrifais bilong mipela i go antap. Long yia 2010 mi nupela yet, mipela i bungim **K11,000.00. Long yia 2011, manimak i kamap long K43,000.00. Long yia 2012 mipela bungim K57,000.00. Las yia 2013, manimak i go antap long K 66,000.00. Long dispela yia mipela i selebretim Boubou long de 12 Oktoba na mipela i bungim K70,280.00.**

Boubou tasol i sapotim wok insait long peris bilong mipela. Mani bilong Boubou mipela i yusim long mekim bikpela wok insait long peris. Bikos ofa bilong Sande i save kamap long mak namel long **K400.00-K800.00 long wanpela mun**, i no inap sapotim wok na developmen insait long peris.

Ol manmeri i amamas long givim ofa na sakrifais bilong ol i go long Sios, bikos ol i lukim wok na senis i kamap long ai bilong ol yet. Ol i amamas bikos wanem samting ol i givim, mipela i yusim stret long mekim wok insait long peris.

Stat long yia 2011 inap nau i gat planti senis i kamap long peris. Long dispela as tasol, ol manmeri i amamas long sakrifaisim samting i go long God long developim sios bilong em.

Sapos yu bin lukim Hanuabada Peris bipo long yia 2010, na sapos nau yu kam bek long, bai yu lukim planti senis i bin kamap. Senis na developmen bai go het yet.

Mipela i bin wokim ston wol, spaik banis na rolling gate long fran bilong haus lotu. I gat ples bilong ka pak long fran bilong haus lotu. Bikpela senis long alta na ples bilong sindaun. Senis i kamap long ruf na wol bilong haus lotu na planti moa liklik senis bai yu lukim tu.

Olgeta senis i kamap bikos long hat wok na sakrifais bilong ol manmeri wantaim peris pris bilong ol. Long **18 Julai 2010**, mi bin wokim namba wan Misa long Hanuabada na mi bin tokim ol manmeri olsem, "MI KAM LONG WOK WANTAIM YUPELA. MI NO KAM LONG MEKIM WOK LONG YUPELA". (I come to work WITH you, not to do work FOR you).

Pastaim mi pilim hat, tasol nau lukim, ol manmeri i save pinis olsem mi nidim sapot na helpim bilong ol long mekim wok wantaim na developim peris bilong mipela. Wok bung wantaim na sakrifais bai karim gutpela kaikai.

TOK PISIN NEWS
from Radio Australia
radioaustralia.net.au

Honiara TOK PISIN Line
Radio Australia
101.9FM
Port Moresby



Wanpela setla na bebi bilong em i wanpela long ol long ol 300 pipel ol i fosim ol long lusim Destination Setelmen. Foto: ABC

lukim long Honiara i wok long go daun, tasol sik misels i bikpela wari yet long kantri.

Na ol helt atoriti long Madang provins long Papua New Guinea i tok ol i amamas liklik long lukim mak bilong sik misels i go daun long sampela hap bilong provins.

Long mun i go pinis, ol i bin tokaut olsem moa long 2,000 ol pipel i kisim dispela sik na sampela pikinini i bin dai long en.

Tasol Marcus Kachau em Dairekta bilong Helt long Madang Provins i tok namba bilong ol sikman meri na pikinini long Madang taun i go daun nau.

Mista Kachau i tok tu olsem, maski mak bilong ol sikman meri long taun i go daun, dispela i no wankain long ol ples long bus.

Ol toktok long dai bilong Gough Whitlam, pastaim PM bilong Australia

Praim Minista bilong Australia husat i bin tok oraitim Indipendens bilong Papua New Guinea, Gough Whitlam i dai pinis.

Gough Whitlam i gat 98 krismas taim em i bin dai long las wik Tunde.

Planti Palamen memba bilong Australia i bin bung long Palamen haus long Canberra bilong tingim na luksave long Praim Minista na lida bipo bilong Australian Labor Party husat i bin dai long Sydney, Australia.

Mista Whitlam i bin mekim planti wok long helpim Australia na Papua New Guinea taim em i bin praim minista. Em i bin givim tok orait long ol lida bilong teritori bilong New Guinea na Papua long kisim independens.

Long 1975, PNG i bin kisim independens long Australia, na sampla i save tok olsem Mista Whitlam i bin helpim ol lida bilong PNG olsem Sir Michael Somare, Sir Julius Chan na ol narapela lida long dispela taim long kisim independens.

Sir Paulias Matane husat i bin namba wan embaseda bilong PNG long America bihain tasol long independens long 1975, i tok em i sori tru long harim olsem Mista Whitlam i dai pinis.

Sir Michael Somare husat i bin kamap olsem namba wan Praim minista long 1975 tu i tok sori long dai bilong Mista Whitlam.

Kot i fosim moa long 300 pipel long Vanuatu long lusim setelmen

Long Vanuatu long dispela wik, ol i fosim moa long 300 pipel long lusim ol setelmen bilong ol long wanpela eria ol i kolim Destination we i stap klostu long Bauerfield International Airport.

Jeffrey Owen, em i wanpela setla bilong Destination i tok ol atoriti i fosim ol pipel ya long lusim setelmen bihainim wanpela eviksen oda bilong kot.

Em i tok ol papagraun i mekim aplikesen long kot olsem ol pipel i kam long narapela hap bilong Vanuatu, i no bihainim lo na stap long dispela graun.

Pastaim long ol pipel i go, ol buldosa i go insait na rausim haus bilong ol setla bilong Destination na propati bilong ol, stat long 3 kilok bik moning yet.

Mista Owen i bin tok planti long ol pipel i no gat wanpela ples long go stap long en.

Em i tok gavman i bin promisim ol olsem bai em i makim wanpela ples long ol we ol i ken go stap long en, tasol dispela i no kamap.

Mista Owen i tok sampela long ol setla bai go stap wantaim sampela wantok long Port Vila, tasol planti long ol i no gat ples long go long en.

Em i tok bikpela wari nau long long ol pikinini na meri, na skul bilong ol pikinini bilong ol.

26 meri i sanap long Solomon Islands

Laspela lista bilong ol meri kendidet bilong Solomon Ailans jenerel ileksen long Novemba 19 em i 26.

Casper Fa'asala bilong Solomon Ailan Women in Leadership long Solomon Ailan National Council of Women desk i tok namel long ol, bai 5-pela i sanap long ol konstituensi long Honiara, 4-pela long Guadalcanal, Choiseul Province wanpela, Isabel tupela, Makira tupela, Temotu tupela, Malaita 5-pela, Westen Province 4-pela na Sentrel Provins em wanpela meri tasol.

Stat long taim kantri i kisim Independens long 1978, i bin gat tupela meri tasol i kamap memba long nesanel Palamen bilong Solomon Ailan.

Mista Fa'asala, Desk i tok bihain ol nominesen i pas long dispela wik, 26 meri nau em nem bilong ol i stap long lista bilong ol kandidat we bai resis long ileksen.

Em i tok pastaim ol bin gat 28, tasol tupela i rausim nem pastaim long ol nominesen i pas.

Mista Fa'asala i tok ol meri i bin kisim sampela helpim long UN Women na National Council of Women.

Ol toktok long sik misels long Solomon Ailan na PNG

Sevenpela pipel i dai pinis long sik misels long Solomon Ailan na long Madang Provins bilong PNG, tasol nau, ol keis bilong misels i wok long go daun.

Dokta Titus Nasi, Het bilong Paediatrics long Nesenel Riferel Hospital long Honiara i tok bikpela vaccination o banis sut kampen i wok long go het long olgeta provins long kantri.

Dokta Nasi i tok namba bilong ol keis ol i

Ol poto long opening bilong ol nupela klasrum ol bin bildim wantaim helpim mani bilong Japan Gavman long Kil Praimeri skul, Madang Provins.



REDE: Ol sumatin bilong Kil Praimeri skul i wok long redi long opening seremoni bilong opim ol nupela klasrum.



KISIM I GO LONG SEREMONI PLES: Tupela liklik mangi na meri i putim nais-pela tumbuna bilas na kisim Embaseda bilong Japan, Morio Matsumoto, i go long skul eria bilong wokim opening bilong ol nupela klasrum seremoni.



JAPAN EMBASEDA: Embaseda bilong Japan, Morio Matsumoto i toktok long opening klasrum seremoni long Kil Praimeri skul long Madang las wik. Ol i wokim ol klasrum wantaim mani mak inap long K260,000 i kam long Grant Assistance for Grassroots Human security Projects (GGP). Ol Poto: Japan Embasi Midia

Modenaisesen plen bilong polis i mas kamapim ol gutpela polis

Papua Niugini i gat nem nogut long ol hevi bilong lo na oda. Hevi bilong lo na oda i save givim taim long ol bisnis, ol pipel na stopim ol ovasis visita long kam raun long dispela naispela kantri bilong yumi. Wok bilong lukautim lo na oda i stap long han bilong ol polisman na meri.

Ol i go trening long mekim wok bilong stopim trabel long komyuniti na mekim ples i seif long ol manmeri na pikinini i fri long raun long laik bilong ol. Long taim ol polis i stap, bel bilong yumi i stap isi na yumi save ol trabelman bai i no inap bagarapim yumi.

Tasol tude, dispela naispela piksa bilong ol polis i lukautim lo na oda na helpim ol manmeri i wok long senis. Ol polis i kamap birua bilong pablik nau. Ol i mekim planti asua tru egensim ol pablik. Olgeta wik yumi ritim na lukim nius bilong ol polis i kamapim birua long ol manmeri. Polis i sutim man o polis i paitim man o kamapim bagarap long propeti bilong ol manmeri. Ol dispela lain bilong strongim gutpela sindaun na wok bilong lo na oda i kamap birua bilong lo na oda. Ol i rabisim gutpela nem bilong Royal Papua Niugini Kostabuleri na ol pablik i no gat bilip moa long ol.

Ol polis i mas senisim dispela birua pasin na kamap pren bilong ol manmeri. Ol i mas strong long rausim nem nogut em wan wan raskol polis i save givim long gutpela wok bilong ol arapela polisman na meri. I mas gat bikpela mekimsave long kain pasin nogut i save kamap long han bilong ol polis. Bikos ol pablik i no gat bilip



moa long ol polis. Planti komplek na trabel ol polis i kamapim i save wara nating, bikos i no gat kot i kamap we ol dispela trabel polisman i kisim taim long kot.

Gavman i luksave long dispela bikpela hevi insait long wok bilong ol polis. I gat ol trupela polisman na meri na ol arapela lain ol i kolim risev polis o kanda polis. Orait long Mosbi i gat narapela lain ol i kolim ol buai polis. Nau em i taim bilong skelim wok bilong ol dispela tripela

kain polis na lukim olsem ol i wok insait long lo. Ol i no ken hait aninit long yunifom bilong ol trupela polis. Ol risev polis i mas gat yunifom bilong ol yet we ol pablik i ken luksave. Ol buai polis tu i mas gat yunifom bilong ol yet na pablik i ken save olsem ol i no polis tru tasol ol wokmanmeri bilong stopim ol lain i salim buai long pablik ples. Na i mas gat nem long yunifom bai ol pablik i save na sapos ol i mekim rong, orait bai isi long kotim

ol. Dispela em sampela liklik samt-ing we i ken helpim long luksave long ol trupela polisman na ol dispela husat i mekim hap taim wok olsem ol polisman na meri. Polis dipatmen i bin tokaut pinis olsem bikpela plen bilong ol em long senisim pes bilong polis na bringim i kam antap long mak bilong nupela pasin bilong mekim polis wok, o polis modenaisesen. Trening long pasin bilong kon-

trolim pipel long taim bilong trabel, pasin bilong yusim kompiuta na moden teknoloji long helpim wok bilong polis em tupela bikpela samting. I mas gat trening long kontrolim belhat pasin na pasin bilong bekim pait bihainim birua pasin bilong ol tumbuna.

Modenaisesen plen bilong ol polis i mas givim gutpela trening long senisim pasin nogut ol polis i mekim nau long stopim trabel na kontrolim lo na oda. Papua Niugini i no stap moa long taim bilong ol tumbuna. Yumi tu i kamap long mak bilong 21st senturi na pasin bilong wok na kontrolim lo na oda insait long RPNGC tu i mas senis. Yumi mas singaut strong tu long gavman long skelim gen wok bilong ol hap taim polis na stretim ol hevi i stap long wok bilong ol. Nau em i taim bilong kamapim wok we ol pablik i ken luksave gen long gutpela wok ol polis i mekim long strongim lo na oda.

Long ol ples longwe tru long taun i gat wanpela o tupela polis i save hatwok tru long mekim wok bilong ol na sampela taim ol i no kisim pe na i no gat transpot long mekim wok bilong ol. Tasol ol i no givap bikos ol i bilip long wok bilong ol na promis ol i mekim long sevim God na kantri bilong ol Papua Niugini, long taim ol i greduet long Bomana trening senta bilong ol polis. Ol dispela polisman i soim gutpela eksampel long stretpela pasin bilong mekim wok bilong ol long lukautim lo na oda long kantri. Modenaisesen plen bilong Polis Dipatmen i no ken wansait tasol long sanapim ol haus na baim moa ka na apim pe na kisim moa polisman na meri, nogat. I mas gat spes bilong gutpela trening long kamap ol gutpela moden polisman na meri.

Oro testim lo bilong Provinsel na Lokol Level Gavman Rifom

Namba wan taim tru yumi lukim wanpela Provinsel Gavman insait long Papua Niugini i saspending Gavana bilong ol long Oro provins.

Taim nesanel palamen bin kamapim nupela lo kolim Ogenik Lo long Provinsel na Lokel Level Gavman Rifom 15 krismas go pinis, nogat wanpela Provinsel Gavman o Gavana bilong bilong ol provins bin kisim saspending olsem long bipo.

Taim dispela lo i wok i kam olgeta Provinsel Gavman i ron gut na Provinsel Asembli wantaim ol kaunsel presiden i save wok bung na sapot gut wantaim Gavana bilong ol. Wankain tu olgeta open memba bilong ilektoret save wok gut na sapot wantaim Provinsel Gavana bilong ol.

Em namba wan taim nau yumi lukim na harim Oro provins i mekim muv go long asembli na brukim ol dua na lok na go insait na kamapim miting we ol tok long rausim Gavana bilong ol Gary Juffa. Oro provins gat politiks bi-



long em yet olsem na ol kamap wantaim dispela eksen tasol bikpela samting em sapos ol bin kisim gutpela tok stia kam long ol loya na save man bilong Mama Lo we i bin kamapim Ogenik Lo long Provinsel na Lokol Level Gavman Rifom.

Gutpela long kisim gut tingting bilong Lo Rifom Komisin na ol gavman opis husat i save lukautim na sekim gut lo bilong kantri na givim edvais long gavman long ol wok na eksen bilong em. Maski long kalap nating na mekim samting we i gat bikpela hevi na kikkik bilong em.

Gutpela long yumi ken harim long maus bilong Lo Rifom Komisin na ol bikpela gavman edvaisa long dispela samting we i kamap. Sapos

Gary Juffa i karim dispela hevi go long Kot orait em nau yumi ken save sapos ol lain long Oro Provinsel Asembli bin mekim samting stret long kamapim vot nogat bilip long Gavana bilong ol.

Memba bilong Ijivitari David Arore wantaim 7-pela Provinsel Asembli Presiden bin go pas long kamapim dispela eksen egensim Gary Juffa.

Tasol yumi harim sait stori tu olsem Klak bilong Asembli i no bin stap long go pas long dispela asembli miting bilong Mista Arore wantaim ol kaunsel presiden bilong em. Nogut klak i save long sampela samting long dispela kain eksen olsem na em no laik putim em yet long trabel long bihain taim.

Yumi ken harim tu long maus bilong ol sampela Gavana bilong Papua Niugini long luksave na save bilong ol long ranim provins. Wanem kain tingting bilong ol long dispela eksen we ol lida bilong Oro provins i mekim

long dispela wik. Ating ol tingting bilong ol Gavman bai mekim dispela eksen bilong ol Oro lida i klia liklik.

Kain pasin olsem tu save kamapim bikpela hevi na trabel long sindaun na wokabout bilong ol pipel insait long provins tu.

Olsem na ol lida mas tingting gut long kontrolim ol pipel bilong ol na sanap strong long daunim wanem kain hevi ol pablik inap kamapim.

Em wanpela gutpela samt-ing tu long ol lain bilong David Arore i mekim bikos ol testim Mama Lo we i kamapim dispela rifom bilong Provinsel na Lokol Level Gavman. Sapos dispela Mama Lo i ken gat nupela senis long en o nogat.

Sapos dispela hevi i kamap long Kot, tru tumas bai yumi lainim tru wanpela nupela save long dispela lo bilong Provinsel na Lokol Level Gavman na sapos Provinsel Asembli gat pawa long rausim Gavana bilong provins.



Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg

Pe bilong wanpela yia
Websait: www.wantokniuspepa.com
Pe bilong wanpela yia, 52 niuspepa

PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga
Editor
Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Raun wantaim Wantok kru...

Tura Kokomo pulim planti pikinini

Nicky Bernard i raitim

long ol provins we Tura da Kokomo i go long en i kisim pinis sans long holim em na kisim piksa wantaim em. Na dispela amamas bai ino inap pinis inap long long-pela taim.

Planti long ol bikipela manmeri tu i save amamas long kisim piksa wantaim Tura taim ol bungim em long wanem bikipela bung Tura i go long en.

Tura da Kokomo i bringim yia, de na taim bilong bikipela pilai i kam hariap tru. Tupela mun tasol i stap na bai nupela yia i kam na long namel bilong neks yia 2015, dispela bikipela pilai bai kamap. PNG bai bungim ol brata susa bilong em long ol Pasifik Ailan kantri i kam amamas na pilai.

Tura da Kokomo i bungim ol pikinini long Kalabon pilai gran long Kokopo, Is Nu Briten Provins. Poti Nicky Bernard.

PLANTI pikinini nau i wok long bihainim Tura da Kokomo long wanem hap em i go insait long Papua Niugini. Na dispela i mekim tu olsem planti pikinini i redi long dispela bikipela pilai bai kamap long kantri bilong yumi.

Tura da Kokomo i raun pinis insait long sampela provins long PNG na em bai go raun yet long ol narapela soim pes bilong em na kisim toksave i go long dispela ol provins olsem bikipela pilai bilong Pasifik Gem bai kam long kantri bilong yumi long 2015 we i no long we nau.

Planti ol pikinini save putim was tasol long ol skul bilong ol sapos wanpela taim Tura da Kokomo bai i go raun long skul bilong ol na ol ken holim em, pilim skin bilong em na bai ol i amamas.

Sampela bilong ol pikinini



I kam long pes 16...


Table with 4 columns of names, initials, and identifiers. The first column lists names and initials (e.g., BAULE, BENNY, BERNARD). The second column lists names and initials (e.g., KALAI, KAMBUIA, KAMENI). The third column lists names and initials (e.g., NENG, NINJUS, NIWIKU). The fourth column lists names and initials (e.g., TOMUR, TORUBA, TOUA). Some names have 'M' or 'F' in the third column.

Tok orait i kam long: Professor David Kavanamur Director General Office Of Higher Education.

Ol wiken poto nabaut



GO GREEN LONS: Ol skul sumatin bilong ol skul long Nesenel Kapi-tel Distrik i joinim BSP bren embaseda na ol biknem pilaia olsem Ryan Pini na Toea Wisil long lonsim Go Green Skul Klinap De. Ol skul sumatin i kam long Carr Memorial, Koki Edministresen Praimeri, Sen Therese's Praimeri, Kilakila na Jubili Sekenderi skul. *Poto: BSP Midia*



NUPELA HAUS MAKET: Ol mama i save maket long Gerehu Maket long NCD i gat gupela na seif maket ples we ol i ken sindaun gut na salim ol samting, na ol lain i go baim ol samting i ken pilim seif. Dispela i bihainim ol nupela haus maket we ol i bin opim long las wik Fonde. Long wankain taim tu, i gat hap bilong ol pikinini i pilai taim ol mama bilong ol i maket stap, olsem dispela ples bilong pilai long rait han sait bilong piksa.



GREDESSEN: Redi long greduesen long Tsak Veli, Wapenamanda long Enga Provins we moa long 7,000 manmeri i bin greduet las wik long fainensel trening wantaim sapot bilong Esian Developmen Beng na Australia.

Raun wantaim Kanage olgeta wik

Em faul bodi meri ya

TAIM Kanage i liklik boi yet, papa bilong em i save kisim em i go raun long Ela Bis long Mosbi. Wanpela taim em wantaim papa i go raun i stap na lukim wanpela geligeli man (ol man husat i save luk olsem ol meri) i wokabaut i kam. Dispela man tu i bilong Hanuabada na em i stailim stret wokabaut bilong em. Boi sakim as na wokabaut olsem wanpela pato stret. Taim Kanage i lukim olsem, em i ting olsem wanpela meri na askim papa bilong em Yendefande, "Hei papa, dispela meri i luk narakain stret ya?" em i no gat susu olsem bilong mama.



Ating em i mas gat sik ya." Kwik taim tru papa bilong em i sarapim em na tok, "Pasim maus bilong yu, yu liklik tumas na yu no save. Dispela kain meri ol i save kolim ol faul bodi. Ol tewel bilong Papua i wokim ol krange long taim bilong ren stret, olsem na em i nogat susu. Ol tewel i wokim em long haphap samting bilong ol man,

meri na enimol bilong bikbus. Dispela kain meri i no save pispis na pekpek." Kanage i harim dispela na bilipim stret papa bilong em.

Dodo na Chester
Kila Wan Mail-LAE

Ol skwat!
Salim ol gupela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email:
jwilson@wantok.com.pg

INAP yu helpim mi long wanpela hevi mi gat?

Dia Laipain,

Mi wanpela yangpela Kristen meri na mi gat wanpela boipren we mipela i raun wantaim long sampela taim.

Boipren ya i laik bai mi givim em wanpela pikinini na maski mi traim i go i go, mi no inap yet long givim em wanpela. Mi no save wanem samting i no stret long mi, tasol taim mi no inap givim em samting em i laikim, em i lusim mi no go painim narapela meri. Meri ya i givim em wanpela pikinini na ol i stap wantaim.

Tasol mi wok long askim mi yet, olsem watpo na dispela i kamap, na sapos nogat, bai mi yet i meri bilong em. Watpo na mi no kisim bel?

Tasol taim em i kisim narapela meri na stap wantaim em na pikinini bilong ol, em i save ringim mi yet na tokim mi olsem em i laikim yet mi. Na em i tok em bin asua long kisim narapela meri. Plis, helpim mi bikos mi no laikim bai dispela samting i mekim mi wari tumas na kilim mi.

DESPERATELY NEEDS A CHILD

Dia Pren,

Tenkyu long rait i kam long Laipain na serim wari bilong yu wantaim mipela. Mipela i save kisim planti pas long pipel i gat ol kain wari olsem long planti hap bilong kantri, na yu em wanpela long ol.

Long pas bilong yu, yu tok yu bin gat boipren na yutupela i bin raun wantaim. Yutupela i laikim wanpela pikinini, tasol yu no inap karim pikinini na olsem, em bin lusim yu na painim narapela meri. Em givim em bel na nau em i gat wanpela pikinini. Nau tupela i stap wantaim, tasol em i save ringim yu yet na tokim yu olsem em i laikim yu yet.

Pren, long pas bilong yu, yu tok yu no save watpo na yu no inap karim pikinini. Ating long tingting bilong yu, yu wok long tingting olsem yu no inap karim pikinini moa. Sapos yu gat dispela kain tingting, i moabeta yu go sekap long haus sik na ol dokta yet bai tokim yu sapos yu no inap karim pikinini o nogat. Sapos ol i tok yu no inap karim pikinini, noken wari na sori bikos i no yu tasol i stap



long dispela kain hevi. Planti meri long kantri bilong yumi i no inap karim pikinini tu.

Na sapos yu i olsem, i no yu i mekim bikos Bikman tasol em i gat risen o astingting long dispela i kamap. Na yu no gat save long dispela. I moabeta yu go lukim dokta na askim em long edvais na tu, sekap sapos yu no mekim dispela yet.

Long sait bilong boipren, yu stap isi liklik na tingting. Sapos em i laikim yu stret, em bai no inap go na painim narapela meri. Em inap wet na yutupela i ken toktok long ol samting pastaim. Yu ting olsem em i yusim yu tasol? Mipela i bilip olsem yes. Maski wanem kain hevi i kamap, em i mas stap wantaim yu.

Sapos yu laikim wanpela man o meri bai nogat samting i stopim yu long mekim samting, maski em i hatpela o laip bilong yu i stap long birua na yu no laikim em bai mekim samting long bekim dispela. Laik pasin o love i save wet, i no save pasim samting, i no save kros hariap, yu ken trastim, no save wokim giaman pasin na planti moa. Dispela em ol kwaliti wanpela i mas gat taim tupela man na meri i poroman na i ken strongim pren pasin namel long tupela. Strongpela pren pasin i ken kamap sapos tupela i gat ankon-disinel laik pasin namel long tupela.

Pren, yu bai painimaut sapos rilensensip o pren pasin yu gat i kamap long laik pasin o nogat taim yu ritim dispela bekim bilong mipela. Tupela samting we ol yangpela bilong tude i no klia long en long lav na ol i asua long ol e mol, 1- lust na 2- Infatuation.

Lust em bikpela tingting long laikim samting. Em ken strongpela laik long "sex" o pasin long laik slip wantaim wanpela man o meri. Infatuation em samting yu lukim narapela man o meri i gat, olsem mani bilong em, level long edukesen bilong em, lukluk bilong em olsem em

i luknais na "fame" o planti lain i save long em. Tasol dispela i no tru tru lav o laik pasin. Tasol lav i save groa long ol taim ol de na mun na yia i lus na taim ol i go het long skruim pren pasin wantaim lav na komitmen.

Mipela i strongim yu long lukim dokta na kisim edvais bilong em na em bai givim yu ripot long dispela samting tu. Long rilesensip bilong yu, mipela o prei olsem bai yu muv i go fowet long laip na noken wari long ol samting o laip yu bin gat pastaim. I moabeta yu bungim na poroman wantaim sampela lain husat bai helpim yu daunim hevi yu gat long en.

Olsem wanpela Kristen, yum as save olsem slip wantaim man taim yupela i no marit yet em i sinpasin. Baibel i save toktok long dispela olsem "sexual immorality o fornication" sinpasin we tupela man na meri i no marit yet i wokim. Ritim Efesus 5:3-6. I moabeta yu stap gut na lukautim bodi bilong yu na noken slip wantaim narapela man inap yu marit na bai yu ken kisim amamas long stretpela rot. Ritim 1 John 1:9. i moabeta yu rispektim bodi bilong yu. Ritim Korin 6:12-20 na ritim sapta 7:1-16 we i toktok long marit.

Tingim, man i laikim yu tru tru bai no inap lusim yu, na wankain long yu.

Wanpela taim gen, tenkyu long rait i kam long mipela na mipela i pre ol tingting we mipela i givim long yu bai helpim yu long luksave long ol samting na yu ken painim ansa bilong yu long laip.

Pren bilong yu
Laipain

Sapos yu gat wari o hevi, rait i kam long dispela etres: Lifeline Counselling Services, P O Box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.
Laipain



Kakao ken helpim ol Ramu NiCo famas long bihain taim

OL KAKAO famas insait long Ramu NiCo Projek eria long Usino-Bundi na Raikos distrik long Madang mas holim strong agrikalsa wok bikos bihain long maining projek ol agrikalsa bai sevim ol.

Dispela em sampela edvais o skul toktok ol famas i bin kisim long las wik Sarere long Tugyak taim wanpela treina bilong Kakao Kokonas Institiut Limited (CCIL) i bin go givim aweanes long wok bilong kakao namel long ol famas.

Nem bilong dispela sif treina bilong CCIL em Anton Warwalu na em i bin go wantaim CCIL Madang Provinsal Program menesa, Vincent Saleh long Basamuk long givim aweanes long ol kakao famas na ol lain memba bilong Basamuk Kakao Koperative Sosaiti Grup (BCCSG).

Siaman bilong BCCSG, Tony Gaiyu, husat em wanpela strongpela agrikalsa opisa tu wantaim Ramu NiCo (MCC) Komyuniti Afes Dipatmen i bin askim tupela lain bilong CCIA long go givim aweanes long promotim kakao indastri namel long ol famas long Basamuk eria na tu ol lain memba bilong BCCSG.

Dispela miting long Tugyak i lukim gutpela namba blong ol manmeri i bung na harim toktok Mista Warwalu i mekim na tu Mista Saleh i mekim.

Mista Warwalu na Mista Saleh i bin bekim planti ol askim i kam long ol lain famas.

Mista Saleh i givim sampela edvais long ol famas long sait long wok long gaden na tu long sait long wok koperative we ol i ken salim kakao na kisim gutpela prais long grup maketing.

Mista Warwalu i bin givim naispela trening long ol agrikalsa opisa bilong Ramu



CCIL treina Anton Warwalu givim toktok long Tugyak viles long Basamuk eria.



Wanpela naispela haibrid kakao klon.

NiCo (MCC) na ol famas insait long Ramu NiCo Project eria long rot long lukautim kakao olsem bisnis tu.

Em i tok dispela em bikpela samting ol famas husat i gat kakao blok o plentesen i mas save em long lukautim gut rekot bilong mani bilong ol long helpim sindaun bilong ol long bihain taim.

Mista Warwalu i tok planti long ol lain model famas i bin kisim trening pinis long rot long lukautim kakao long

gaden na blok bilong ol na salim. Tasol dispela trening em long opim tingting bilong ol famas long menesim kakao blok o fam bilong ol olsem bisnis.

Ol trening na skul insait long namba wan wik i karamapim foapela eria, em long besik rekot na buk-kipling, ronim fam olsem wanpela liklik bisnis, sasteinabol laivilhud na disisen making.

Dispela tupela wik trening woksop stat long Tunde na



Madang CCIL Progem menesa, Vincent Saleh i soim wanpela naispela haibrid kakao klon.

bai pinis tude Fonde, Oktoba 30 i karamapim planti gutpela samting long helpim ol famas. Ol trening manual o buk long ronim kos em i kam long Vudal Yunivesiti ov Netsurel Risoses na Envairomen (UNRE)

Ol lain husat go stap long trening woksop em model kakao famas, na tu ol agrikalsa opisa bilong Ramu NiCo (MCC) na Wol Visin na tu ol opisa bilong CCIL na Madang Dipatmen ov

Agrikalsa na Laipstok (DAL)

Mista Saleh i tok amamas long ol lain husat i kamap long trening na i welkam long ol lain agrikalsa opisa bilong Ramu NiCo (MCC) husat i kam long Kurumbukari Main, Basamuk Rifaineri na Madang long stap long trening.

Dispela trening em Nesenel Gavman i putim mani aninit long Pablik Impruvmen Projek (PIP) i go long CCIL long strongim wok bilong

kakao na kokonas long ol nambis provins insait long kantri.

Mista Warwalu i tok olsem ol trening long neks wik bai karamapim menesmen bilong haibrid kakao klons na tu liklik entaprais na rekos na tu rot long mekim disisen long bisnis.

Ol kakao famas long Basamuk long Raikos distrik long Madang provins em ol namba wan lain stret long Madang provins na kantri long kisim 10-pela kain nupela kakao sidlings em Kakao Kokonas Institiut PNG Ltd (PNGCCIL) i kamapim.

Ol famas i kisim ol dispela nupela kain kakao sidlings aninit long join pablik-praivet patnasip wok namel long CCIL na Ramu NiCo.

Moa long 6,500 rutstok kakao klon bading i bin kamap yusim ol dispela nupela kakao pod bora resiten (CPB) klon bud-stik. Dispela bai halivim tru ol lain famas na papagraung klostu long Basamuk Rifaineri long Raikos distrik.

Ol dispela nupela kuru kakao ol i kamapim em K-4, K-6, K-9, 21:4/8, 17:2/16 na ol liklik olsem 16:4/2, 15:4/7, 37:13 3/2. Dispela em namba tu taim long PNGCCI i kamaut wantaim ol nupela resitant kakao varaiti bihain long ol haibrid kakao long 1999 we i kam wantaim ol bikpela klon olsem 16: 2/3, 36:3/1, 37: 13/1, 73: 3/1 na ol liklik klon em 17: 3/1, 34:13/1 na 73:14/1.

Ol viles em Tugiak, Kulilau, Mingming, Dubal na ol arapela klostu long Ramu NiCo Basamuk Rifaineri bai namba wan lain long kisim na traime ol dispela klon we nogat sik nogut bilong kakao CPB i ken bagarapim ol. Dispela ol stok i ken go planti long taim bilong rihabilitesen. Ol dispela CPB resiten kakao i stap nau long PNGCCIL na ol famas i ken go kisim.

RAMU NiCO **Ramu NiCo redi long givim**
 Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.
 Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)



CCIL givim trening long ol kakao fama

James G. Kila

BIKPELA samting ol fama husat i gat kakao blok o plantesen i mas save em long lukautim gut rekot long man i bilong ol long helpim sindaun bilong ol long bihain taim.

Dispela em i bikpela skul toktok long Tunde las wik long wanpela trening woksop long Madang we Kakao Kokonas Insitiat Limited (CCIL) i kamapim.

Sif Trening opisa bilong CCIL, Anton Warwalu i tok plant i model fama i bin kisim trening pinis long rot bilong lukautim kakao long gaden na blok bilong ol na salim.

As tingting long dispela tren-

ing em long opim tingting bilong ol fama long menesim kakao blok o fam bilong ol olsem bisnis.

Dispela trening em Nesenel Gavman i putiim man i aninit long Pablik Impruvmen Projek (PIP) i go long CCIL long strongim wok bilong kakao na kokonas long ol nambis provins insait long kantri.

Ol lain husat i stap long trening woksop em model kakao fama, na tu ol aerikalsa opisa bilong Ramu NiCo (MCC) na Wol Visin na tu, ol opisa bilong CCIL na Madang Dipatmen ov Egrikalsa na Laipstok (DAL).

Ol trening na skul i karamapim 4-pela eria, olsem

besik rekot na buk-kiping, ranim fam olsem wanpela liklik bisnis, sasteinabol laivlihud na wokim disisen.

Long namba tu wik, ol lain bilong CCIL na ol lain long trening i bin go long Basamuk long wokim fil trening long wanpela haibrid klon nesar i em CCIL i kamapim wantaim gutpela sapot bilong Ramu NiCo (MCC).

CCIL Madang Provinsal Program Menesa, Vincent Saleh i tok amamas long ol lain husat i kamapim long trening na i welkamim ol egrikalsa opisa bilong Ramu NiCo (MCC) husat i kam long Kurumbukar i Main, Basamuk Rifainer i na Madang long stap long trening.



Sif trena bilong CCIL, Anton Warwalu i givim toktok na ol fama na egrikalsa opisa i harim long Tamane Lods long Madang. Foto: James G. Kila

Namba wan flawa bilas greduesen

Sape Metta i raitim

FLORIKALSA o mekim bilas long ol plawa i kamap olsem wanpela bikpela bisnis. Olsem na long dispela tingting, planti mama i stat long tanim ol liklik gaden long baksait long haus bilong ol na planim ol flawa nau long wokim bisnis long en.

Faunda bilong Goroka Distrik Florikalsa Grup (GDFG), Margaret Seko, husat i bin kamap na toktok long wanpela florikalsa greduesen seremoni i tok, ol plawa i no bilas na samting nating, long wanem, insait long wok bilong flawa, mani i stap long en.

Em i tokim 29 mama husat i bin greduet na kisim setifiket bihain long wanpela wik florikalsa trening program olsem, bisnis i stap long ol plawa sapos ol mama i ken groim, lukautim gut long mekim ol gutpela bilas stail na salim long ol maket o long ol bisnis ogenaiesen we i ken putim dispela ol flawa insait long opis bilong ol.

Ms Seko husat i bin kodinetim dispela trening program i tok taim Goroka Distrik Florikalsa grup i go insait long dispela eria. Tasol bikos i no gat sapot na helpim i kam long nesenel na provinsel gavman, grup i bin putim bilip long Papa God na em i helpim grup i kam inap em i kamapim namba wan greduesen bilong em. Het trena, Janet Woyengu husat i save go pas long ranim



FLORIKALSA: Wanpela memba bilong Goroka Distrik Florikalsa Grup, Tralla Dumundi (namel) husat i bin greduet bihain long wanpela wik florikalsa trening long Goroka Isten Hailans. Na sanap kisim poto wantaim em - em het trena Janet Woyengu (lep) na maketing menesa bilong grup, Lisa Ewande. Foto: Sape Metta

Jasper Blooms long Pot Mosbi i kamap na wok bung wantaim Mis Seko long skulim ol mama long ol skil o we bilong katim na bilasim ol plawa we ol i ken yusim long mekim moa mani long lukautim famili bilong ol na tu, painim gutpela sindaun.

Prodaksen na Velu Sen Sistem

bilong Fres Produs Developmen Ejensi, Robert Lutulele i bin autim tok amamas long Seko na Woyengu long bikpela hatwok ol i putim long dispela skills trening program long givim gutpela save long ol mama husat i ken helpim ol yet long dispela wok bilong flawa.

INVESTMENT TOKTOK

wantaim HERMAN MALIR & ROY MUMU Jnr

Blong wanem na Nambawan Supa i gat Stretejik Aset Alokesen?

Sapos yu gat sampela askim plis salim kam long toktoksuper@nambawansuper.com.pg na mipela bai ansarim.

Amas NSL i inves igo long ol kainkain aset em ol i kolim Stretejik Aset Alokesen (SAA). SAA em wanpela rot bilong skelim potfolio namel long ol bikpela aset grup olsem ol bon, stok na kes moni. Dispela em bikos disisen bilong inves insait long ol sea o bon o propeti em bikpela disisen stret bilong invesmen we wanpela Fan i inap mekim. Tru tumas, aset alokesen i moa long 90% resposibol long mekim kamap win moni bilong ol Fan long bihain taim.

Bikpela samting long stretejik aset alokesen

Makim wanpela sea long narapela o wanpela propeti long narapela i no impoten tumas na i wankain olsem senisim ol sia long baksait bilong bikpela sip Titanic igo ikam.

Ol aset alokesen bilong NSL em yu ken lukim long piksa aninit.

Aset Miks blong Nambawan Super

NSL i gat bikpela potfolio olsem na potfolio ken mekim gut long kainkain taim. Kain olsem sapos propeti i no mekim gut bai ol bon o sea o ol arapela aset bai mekim gut. Stap wantaim dispela miks aset taim prais i go antap na kam daun bai oraitim NSL long mekim gut win moni. Holim potfolio long wankain miks olsem SAA em ol kolim 'ribalansing'.

Em save wok olsem:

Sapos wanpela aset prais i go antap, em nau i makim bikpela mak moa long SAA i ting. Long putim potfolio bek long balens NSL salim sampela aset we i kos tumas nau na putim mani go insait long arapela aset klas we i no kos tumas.

Bihain taim, ribalansing long salim ol bikpela kos aset na baim gutpela aset we i kos liklik ken putim moa ekstra mani kam long fan. Kadinel rul bilong olgeta invesmen plen em; baim long daunblo prais na salim long antap prais.

Long kamap Nambawan pren bilong yu na famili; halivim, strongim na lukautim moni gaden bilong yu nau na bihain.

BIKPLA, GUTPELA, I SEIF, STRONGPELA NA I STAP NAMBA I

M4M Bulldogs winim Popondetta ragbi lig

PNGRFL amamas long Popondetta Ragbi Lig

Isaac Liri i raitim

M4M Bulldogs i bin salensim Higaturu Tigers long wanpela strongpela gren fainel long Popondetta, na winim taitel wantaim skoa mak long 10-8.

Dispela gren fainel i bin pulim moa long 700 manmeri, na olgeta i bin givim gutpela sapot long ol tim bilong ol.

Long las yia ol Bulldogs i bin kisim taitel, na dispela yia ol i kisim bek gen, dispela em i mekim kepten bilong ol, Samuel Keko, i amamas tru long ol tim memba bilong em long strongpela pilai ol i putim long kamapim win.

Long dispela yia, ol Higaturu Tigers i bin pilai gut tru na kisim planti win, na tu, planti manmeri i bin ting olsem ol bai win, tasol, ol i bin no inap long ol Bulldogs taim ol i bung long gren fainel.

Wanpela pilaia bilong ol Bulldogs husat i bin pilai gut tru, na helpim tim bilong em long win, em faiv eit bilong ol, Farapo Makura.

Ol stail kik bilong Farapo i bin givim gutpela fil posisen long ol Bulldogs long atek na brukim difens bilong Tigers.

Ol Tigers i bin givim hat taim long ol Bulldogs tu taim ol i bin go pas long



Kepten bilong M4M Bulldogs, Samuel Keko, i kisim tropi long Stephen Kila Pat bihain long ol i winim gren fainel.

namba wan hap wantaim skoa 8-6. Tupela senta bilong ol

Tigers, Ali Sevese na Tony Mata i bin pilai gut tru long namba wan hap na givim

hat taim long difens bilong ol Bulldogs. Dispela tupela pilaia i bin skoim tupela trai

long namba wan hap tasol gol kika bilong ol i no bin kik gut na kisim poin.

LONG stat bilong dispela yia, Siaman bilong Papua Niugini Ragbi Futbal Lig (PNGRFL), Sandis Tsaka, i bin tokaut olsem olgeta ragbi lig kompetisen long wan wan provins insait long kantri i mas rejista aninit long PNGRFL.

Em i bin tok olgeta ragbi lig kompetisen we i rejista aninit long PNGRFL bai gat sans long kisim luksave na ranim gut ol kompetisen bilong ol.

Popondetta Ragbi Lig Kompetisen em wanpela kompetisen we i bin rejista gen wantaim PNGRFL long las yia.

Bihain long ol i rejista long las yia i kam inap nau, ol i lukim planti gutpela developmen i kamap na ol kompetisen bilong ol i ran gut.

PNGRFL i amamas tru long lukim Popondetta Ragbi Lig Kompetisen i pinis gut. PNGRFL i tok Popondetta Ragbi Lig em wanpela gutpela eksampel bilong developmen bilong ragbi lig long lokel level.

Dika Toua raun long Lae



Dika Toua

BIHAIN long Host Ogenais-ing Komiti (HOC) bilong PNG Gems i makim Dika Toua olsem embeseda, em i bin raun i go long Lae long dispela wik long lukim ol wok redi bilong dispela bikpela pilai.

Dispela em namba tu taim bilong dispela biknem spot meri long stap olsem embeseda bilong PNG Gems na em i amamas givim sapot gen.

Raun bilong em long Lae i lukim em i go long ol skul, i go long wok ples bilong ol sponsa, na tu toktok wantaim HOC.

Dika Toua i tokim ol yangpela spot manmeri long no ken giv ap na trening hat na redi long pilai.

Em i tok em i laik lukim sampela yangpela meri soim talen bilong ol long dispela yia long sait bilong weitlifting.

Papua Niugini winim Tonga

BIHAIN long ol i lus long ol Nu Silan, ol meri Papua Niugini i soim trupela kala bilong ol olsem sempion bilong wimens soka long Pasifik taim ol i daunim Tonga 3-0 long aste.

Astingting bilong PNG taim ol i ran go insait long ples bilong pilai em long mekim ol sapota i amamas. Ol i no bin westim taim, na long namba 25 minit bilong gem, Meagan Gunemba, husat i gat 19 krismas tasol, i beltim bal i go insait long net na mekim ol sapota long Kalabong i sanap long pinga bilong ol.

7 minit bihain long gol bilong Meagan, Marie Kaipu bilong PNG i painim net taim em i skoa long mekim skoa i kamap 2-0 long hap taim.

Bihain long hap taim, taim ol i kam bek gen insait long ples bilong pilai, ol meri PNG i no givim sans long ol Tonga long skoa na ol i skoim wanpela gol gen long mekim skoa i kamap 3-0.

Ol meri PNG i bin putim planti presantap long ol Tonga, na ol i bin strongim difens bilong ol na stopim ol

straika bilong Tonga long skoa.

Long dispela tonamen, OFC Nesen Kap, PNG i winim Tonga na Kuk Ailan, na lus long Nu Silan.

Fainel risal bilong dispela tonamen i sanap olsem

1. Nu Silan (9 poin)
2. PNG (6 poin)
3. Kuk Ailan (1 poin)
4. Tonga (1 poin)

Ol meri PNG pinis namba 2 long OFC Nesen Kap. *Poto OFC Websait.*



Ol yangpela long NIP laikim kriket

Isaac Liri i raitim

LONG dispela mun, em i bin namba wan taim bilong Kavieng long Nu Ailan provins (NIP) long lukim BSP Skul Kriket Blast i kamap.

Tripela skul we i bin pilai long dispela junia anda 12 kompetisen em Meltan Elementeri, Lutren Elementeri na Kopkop Elementeri.

Kopkop Elementeri i bin kamap namba wan skul long winim dispela junia kompetisen. Ol i bin winim Meltan wantaim 24 rans, na bihain ol i winim Lutren taim ol i pilai long gren fainel.

Lutren na Kopkop Elementeri i bin pilai wanpela strongpela gren fainel we i lukim planti ol yangpela i amamas na sapot.

Nu Ailan Rijonal Kriket

Menesa bilong Cricket PNG, Aloysius Gamoga, i tok amamas long Kopkop Elementeri long winim dispela junia kompetisen.

Mista Gamoga i tok em i bin gutpela long lukim planti sumatin na tisa i soim laik bilong ol long dispela spot.

Em i tok dispela i gutpela bikos em bai strongim kriket insait long Nu Ailan provins.

"Dispela BSP Skul Kriket

Blast bai helpim ol yangpela long pilai dispela spot. Taim ol i go bikpela, ol i ken strongim moa dispela spot long ples bilong ol," Mista Gamoga i tok.

Em i laikim moa yangpela long Nu Ailan long pilai kriket.

Long dispela yia BSP Skul Kriket Blast i pulim laik na tingting bilong moa long 400 yangpela sumatin.



Ol yangpela long Nu Ailan provins soim bikpela laik long kriket. Poto i kam long Cricket PNG.

Skul kriket kamap long Karkar

KARKAR Ailan long Madang Provins i bin amamas tru long lukim Skul Kriket Blast bilong Bank South Pacific (BSP) long las wik.

Em i bin namba wan taim bilong dispela skul kriket program long kamap long ailan, na ol liklik mangi na meri i bin soim bikpela laik tru long dispela spot.

Tupela praimer skul long eria we i bin winim ol taitel em Dangsai Praimeri Skul na Asbian Praimeri Skul.

Dangsai i winim anda 15 na anda 17 divisen bilong ol mangi na Asbian i winim anda 15 na anda 17 bilong ol meri.

Rijonal Kriket Menesa bilong Cricket PNG Madang, Paul Sibeth, i tok olsem i bin kamap gut tru, na em i bin gutpela tru long lukim ol pikinini long dispela ples i

PNG wimens soka mis aut long wol kap

Isaac Liri i raitim

WIMENS soka tim bilong Papua Niugini bai no gat sans long pilai long FIFA Wimens Wol Kap we bai kamap long Canada long neks yia.

Sans bilong ol i bin bagarap taim ol meri Nu Silan i winim ol 3-0 long dispela wik long Kalabond ples

pilai dispela spot we i no bikpela tumas long eria bilong ol.

Long Karkar Ailan soka em bikpela spot, na planti pikinini long hap i save gut long soka.

Mista Sibeth i tok nau taim ol i karim kriket i go long hap, em i gat bilip olsem planti yangpela bai soim laik long dispela spot we i ken kamap bikpela long ailan bilong ol.

Em i tok long dispela yia, Cricket PNG Madang i bin ranim sampela woksop wantaim ol pikinini na em i lukim olsem ol pikinini i lainim hariap tru.

Ol praimer skul husat i bin stap insait long dispela Skul Kriket Blast em Dangsai Praimeri, Kavailo Praimeri, Mileng Praimeri, Absian Praimeri, Tabel Praimeri, na Namai Praimeri.

bilong pilai long Kokopo.

Bihain long ol i lus, ol i gat strongpela bilip yet olsem ol bai winim gol medal long Pasifik Gems long neks yia.

Ol i bin winim gol medal long 2011 Pasifik Gems long Nu Kaledonia na ol i trening strong stat long nau, long wanem, ol i laik kisim bek taitel bilong ol.

GOC sapatim ol bodi biding jas na teknikel opisa

WANPELA bikpela as tingting bilong 2015 Pasifik Gems Ogenaising Komiti (GOC), em long lukim olsem olgeta opisal bilong wan wan spot i gat olgeta skil na save long yusim long taim bilong dispela bikpela pilai long neks yia.

Long wok strong long lukim olsem astingting bilong ol bai karim kaikai, GOC i bung wantaim Papua Niugini

Bodibilding Federesen (PNGBF) las wik long wanpela woksop bilong kapasiti biding.

Dispela woksop i bin kamap long givim moa skul na awenes long ol opisal na jas long mekim wok bilong ol stret long neks yia.

Dispela woksop i bin lukim ol opisal bilong Nu Kaledonia, Tonga na Cook Islands i stap tu. Ol i bin stap na

harim sampela ol gutpela toktok na lainim sampela gutpela samting long dispela woksop.

Man husat i bin go pas long dispela woksop em Presiden bilong Saut Pasifik Bodibilding Federesen, Iliotera Joe Daniels.

Mista Daniels em i gat level 2 pepa bilong givim trening long ol opisal na jas, na em i gat moa long 30 yia

ekspiriens long dispela spot bilong bodibilding.

Sif Eksekutiv Opisal (CEO) bilong Pasifik Gems, Peter Stewart, i tok olsem dispela woksop em gutpela bikos em bai helpim ol jas na teknikel opisal long wok gut, na tu, em bai givim ol ekspiriens na ol i ken mekim gut wok bilong bodibilding long taim bihain taim Pasifik Gems i pinis.



GOC bung wantaim ol bodibilding jas na ol teknikel opisa



Menesim gut ol provinsal tim

GUTPELA pilai bilong ol provinsal tim bai kamap sapos i gat gutpela menesmen long provinsal level.

Seleksen bilong jenerel menesmen tim bilong lukautim provinsal tim em i bikpela na namba wan samting, na sapos ol provinsal tim i gat ol gutpela menesa long go pas, ol provinsal tim bai lukim gutpela mak.

Ol menesa bilong ol provinsal tim i mas gat gutpela na stretpela pasin, na ol i mas no ken giaman nabaut.

Ol menesa i mas gat gutpela save na ekspiriens.

Ol menesa i stap antap na wok bilong ol em long lukautim ol arapela opisal husat i save wok klostu wantaim ol spot manmeri. Ol menesa i mas lukautim gut ol spot manmeri tu, ol mas oltaim lukim olsem ol spot manmeri i kisim gutpela helpim na sapot long pilai gut na strong.

Wanpela eria we ol menesa i mas lukluk gut long en, long dispela PNG Gems we bai kamap long Lae long neks mun, em long kaikai na ples bilong slip. Ol mas lukim olsem ol opisal na spot manmeri i kaikai gut, na i gat gutpela ples long slip na malolo.

Long lukluk bilong mi long ol PNG Gems long bipo, planti bilong ol opisal na spot manmeri i no save kaikai gut na slip gut, na dispela i save bagarapim gutpela pilai bilong ol.

Ol menesa we ol provins i makim, i mas no ken larim pasin korapsen i paulim tingting bilong ol, i gat ol polisi we ol i mas bihainim, na ol i mas bihainim stret.

PNG Gems i kam klostu nau na olgeta menesmen bilong ol provinsal tim i mas gat gutpela plen bilong wan wan tim bilong ol.



**PAPUA NEW GUINEA IMMIGRATION AND
CITIZENSHIP SERVICE AUTHORITY**
Office of the Chief Immigration Officer

PABLIK NOTIS

Dispela em bikpela Pablik Toksave we Dipatmen bilong Helt, Nesenel Agrikalsa Kwarantn na Inspeksen Atoriti, Wol Helt Ogenaisesen na ol arapela bin bung wantaim na kamapim.

PNG Imigresen na Sitisensiip Sevis Atoriti (PNG ICOSA) i go pas long karimaut lo bilong Maigresen na Sitisensip.

Oi ovasis lain long PNG husat laik go ovasis na kam bek bai no inap kisim Visa o tok orait pepa long kam bek sapos ol gat ripot long karim sik kam long PNG komyuniti.

Tupela bikpela sik nau em Ebola Vairus na Midel Is Respiratori Sindrom (MERS) we i bikpela sik nogut long pablik helt bilong PNG. Oi ovasis lain long PNG husat i aplai long visa long PNG bai go insait long helt sekap. Sampela aplikesen bai bihainim rekot bilong helt na raun bilong ol long ovasis long pastaim. Dispela inaip kisim longpela taim long stretim ol pepa, visa o tok nogat long visa o rausim visa blong ol.

Ovasis balus na sip save karim ol ovasis lain kam we i nogat tok orait long kam long PNG bai kisim bikpela sas na arapela mekimsave.

Oi ovasis lain husat kam long PNG na PNG lain husat go ovasis na kam bek bai stap insait long bikpela askim na sekap long wanem hap ol bin kisim balus na kam long en. Oi ovasis lain husat save stap long PNG na go kam bai no inap kam insait long PNG yet. Oi PNG manmeri husat go ovasis na kam bek bai go insait long sekap (kwarantn) long ples balus taim ol kam bek.

Em bikpela samting long save olsem ol pasindia husat i kam bek long ovasis trip mas harim tok na bihainim taim Maigresen Opisa i laikim Helt na Kwarantn sekap long ol. Sapos ol no harim tok bai ol kisim sas aninit long Maigresen Ekt bilong PNG na ol no inap kam insait long kantri. Helt na Kwarantn ken askim long sekim sampela moa samting sapos ol opisa ting em bikpela samting long mekim.

Oi PNG pipel mas skelim gut pastaim long go long ol kantri we i gat sik Ebola Vaires na MERS.

Dipatmen bilong Helt na Wol Helt Ogenaisesen i redim ol Trevela Helt Notis we ol bai givim aut long Jacksons ples balus long ol lain husat laik go long ovasis na ol arapela hap ausait long PNG.

Moa Pablik Notis long wok bilong sekim ol pasindia aninit long Maigresen Lo bai kam aut liklik taim. Arapela notis long ol wok bilong karimaut ol helt na Kwarantn sekap bai ol opis we i pas long dispela ken putim aut.

Authorsed by:

Mataio Rabura, ISO
Chief Migration Officer

22 October 2014

Hunt bai gat sans long pilai wantaim Kangaroo

BEN Hunt bilong Broncos bai gat sans long pilai wantaim Kangaroo sapos Daley Cherry Evans i kisim bagarap yet na bai no inap long pilai.

Hunt i gat bikpela laik long pilai egensim Ingran long dispela wiken, na em i wk long trening strong long stap fit na pilai.

Long stat bilong dispela mun em i bin stap long PM 13 skwat bilong ol Kangaroo we i bin kam long PNG na winim ol Kumul.

Stail pilai bilong em wantaim ol PM 13 Kangaroo i mekim na ol se-

lekta bilong Australia i makim em long stap long Kangaroo skwat bilong Foa Nesen.

Kosa bilong Kangaroo Tim Sheens i gat bikpela bilip olsem Hunt bai pilai gut. Em i tokim NRL midia long Australia olsem em bai putim em long risev sapos Daley Cherry Evans i kisim tok orait long dokta long pilai.

Mista Sheens i luksave olsem ol i mas winim gem bilong ol long dispela wiken egensim Ingran bikos las wik lus bilong ol long Nu Silan i daunim stail bilong ol



Ben Hunt

NZ kwalifai long Wimens FIFA Wol Kap

WIMENS soka tim bilong Nu Silan i bin pilai strong tru na winim OFC Nesen Kap we i bin kamap long Papua Niugini.

Nu Silan i winim olgeta pilai bilong ol na pinis wantaim 9 poin.

Win bilong Nu Silan i mekim ol i kwalifai long pilai long Wimens FIFA Wol Kap we bai kamap long Canada long neks yia

OFC Websait



Soka pilaia bilong Nu Silan sanap namel long tupela bikman bilong Is Nu Briten.
Poto OFC Websait.



TONGA: Wimens Soka tim bilong Tonga i kisim poto na redi long go salensim PNG long Kalabond ples bilong pilai long Kokopo.

Ol spot poto long wiken...

YUPELA MAS REDI: Presiden bilong Saut Pasifik Bodibilding Federesen, Itioteria Joe Daniels, i toktok long ol jas na teknikel opisa bilong bodibilding. Em i laikim olgeta long redi gut bipo long 2015 Pasifik Gems i kamap.

*Ol Poto
Isaac Liri.*



HUNTERS BAL: Yangpela Jonathan husat i save pilai wantaim Brothers Yunien Klap na Magani long Pot Mosbi Ragbi Lig i amamas tru taim em i kisim wanpela bal bilong ol Hunters.



MODEL: Ol model tu i save soim kala long sapotim spot. Dispela ol yangpela meri i save helpim PNGRFL long taim bilong ol bikpela bung na bikpela kaikai.



M4M BULLDOGS: M4M Bulldogs kisim poto bipo long ol i go insait long ples bilong pilai.



HIGATURU TIGERS: Higaturu Tigers kisim poto bipo long ol i salensim ol M4M Bulldogs.

TOKSAVE: Salim ol spots dro bilong yu kam long Feks; 325 2579, e-mel; bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



TUNA IN OIL

Moa oil na meat insait

Dika Toua; Wanpela embeseda bilong PNG Gems



Dika Toua bai stap olsem wanpela embeseda long PNG Gems long Lae.

Poto. Nicky Bernard

Isaac Liri i raitim

PNG Gems em i kam klostu nau na ol Host Oge-n a i s i n g K o m i t i (HOC) bilong dispela bikpela pilai i tokaut long dispela wik olsem wanpela biknem spot meri bilong PNG, Dika Toua, bai stap olsem wanpela embeseda bilong dispela pilai.

L o n g menesmen level, ol bik-lain i save makim ol embeseda long stap


na lukim pilai, na tu, serim ek-spiriens bilong ol wantaim ol yangpela pilaia husat i wok long traim strong long kam antap na pilai long nesanel na intenesanel level.

Dika Toua bai stap olsem embeseda wantaim biknem sprinta Toea Wisil, NRL ragbi sta bilong bipo, Scott Prince, na pawalifita, Livingstone Sikoli.

PNG Gems bai stat long Novemba 16 na pinis long 27. Dispela pilai bai pulim planti manmeri, na Lae Siti bai pulap tru.

Namba wan sponsa Bank South Pacific (BSP) na ol arapela sponsa bilong dispela bikpela pilai i wok hat tru long kamapim gut dispela pilai, na helpim bilong ol embeseda bai putim sampela kala long taim dispela pilai i on.

Dika Toua em wanpela meri we planti yangpela spot meri insait long kantri i save lukluk antap long en.



Available as:

Delivery van
15 seater
16 seater

NV350
URVAN

?

Ready to power up your business

The all-new NV350 Urvan delivers with style.

- Powerful 95kw diesel engine
- Folding aisle seats
- Large sliding door
- CD player
- Full air conditioning
- Stylish slide window



Photo for illustration purpose only